

六十

聖

五

五十八

萬曆十五年 至十八年

國權

鹽官談遷孺木著

丁亥萬曆十五年

正月辰發帑金賑陝西河南山西山東先是懷仁王府奉國將軍充燧奏各宗憲狀上惻然久之戶部因以各省歲大侵如懷仁府概給

戶科給事中李廷謨請飭河西邊備章下所司

甲午諭兵部非世弁武舉不許領勅行事及蒙陞咨用

丁酉上享太廟午刻西南有雷聲夜火星逆行入太微垣

軫宥

己亥申明門禁武臣三品以上文臣四品以上入朝儀四人  
五品以上三人六品以上二人衛官一人非繫印牌毋入  
庶子羅應鶴崔廷試為大理寺左右少卿  
禁左道妖教

辛丑兵部請大閱

甲辰申時行等上重修大明會典二百二十八卷

乙巳考察朝臣謫降一百九十五人甲榜三十二人見秩僅  
十人不及詞林臺省

丁未閣臣諫請立東宮及皇次子封王 上嘉納之即日祭

告南北郊社稷神祇

戊申命吏部都察院京察急於旬內以杜浮議從吏科陳與  
郊之請

御史梅鵬祚言兵部宜久任而後責成功毋旁撓而後能久  
任尚書王遴以不用羅秀去科臣張養蒙彈尚書張佳胤以  
用羅秀也羅秀善音樂有投刺之求今宜禁私竇 上曰王  
遴前擅留御批言官交劾朕念大臣優禮致仕言官又稱之  
何無定論也奪俸四月

壬子禮科都給事中王三餘御史何倬鍾化民王慎德各奏  
建儲不報閣臣請建儲封王命候旨行  
癸丑訛傳 上午朝百官奔赴中官亦移御座於午門上  
青鴻臚寺官及朝臣等俸三月  
謚遼府沅陵王致概曰恭僖

工科右給事中張棟請禁私揭報可

丙辰鞏昌天鼓鳴

建昌土酋伍咀哨窺我出兵乘間掠西溪尋官兵追獲之餘  
羗降者千人官兵移攻桐槽黑骨諸夷

二月戊陽武地震

癸亥<sup>夜</sup>陝西綏靜等城各堡獸脊旂工俱見火光撲以挺亦生  
大中夜方息

予故巡視浙福都御史朱統故兵部右侍郎王忬祭葬忬祭  
二統祭一減葬

工部右侍郎曾同亨提督工程

兵科給事中<sup>和震</sup>言安民弭盜其要在六宣德意飭武備責  
職守禁寫藏慎捕 銷巨盜 上是之

兵科給事中顧九思等言今日河西駐軍數十種竊據其中

又東「數十萬環其外餉薄兵疲」日驕我日挫臣謂各鎮  
自撫河西自戰亡論駐「涿」但掠內地即使剿逐在議將  
議餉議番族議賞罰部覆從之

司設監火

左通政周邦傑調南京順天府丞劉光國調外時自陳也  
設松潘南路黃沙壩守備戍五百人

丁卯夜火星逆行翼宿

戊辰刑科給事中萬自約言天下郡縣公費可汰內臣掌各  
監局令增五萬餘人他如旗校傳陞工匠影射御用監諸造

作之費不貲能節省數千金則可為千家巨產矣有旨內員  
原無增設旗校正役前已清減該部知之

禮部言舉子文好用佛經道藏今硃卷犯者叅處從之

庚午南京國子祭酒趙志臯為少詹事兼翰林院侍讀學士  
工部尚書何起鳴被劾自免起鳴謂出左都御史辛自脩意  
遂訐奏時科道劾起鳴及兵部左侍郎辛應乾禮部左侍郎  
陳思育南京工部右侍郎方九功兵部右侍郎李松大同巡  
撫胡來貢陝西巡撫韓必顯太常少卿池浴德左通政陳學  
魯添註太僕少卿許應達張譽大理右寺正詹全覺刑部郎

神張正鵠下吏部甄別惟留起鳴應乾

戶部左侍郎張國彥總督倉場太常寺少卿蕭彥為右僉都御史巡撫貴州兼理湖北川東等處軍務始令都司用隔省署事指揮鎮撫用隔衛從御史史旌美之言

壬申建寧歐寧二縣火

翰林院編脩楊德政為福建布政司左叅議

甲戌上偶不豫

乙亥夜月食

淮揚饑借蘓州漕米四萬石平糶每石折七錢

戶部右侍郎楊俊民為左侍郎右庶子趙用賢為南京國子祭酒

巡撫廣西右都御史吳善為南京工部右侍郎陝西右布

政使林喬為右僉都御史巡撫大同

議脩高家堰築范家口疏草灣

庚辰湯之誥嗣靈璧侯

提督操江南京右僉都御史滕伯輪為右副都御史巡撫浙江巡撫宣府兵部右侍郎蕭大亨協理京營戎政

工科給事中郭顯惠言救荒之策酌起解地鹽禁議罪贖部  
覆如議

癸未詔責科道官紛、攻擊予奪進退皆不由上今何起鳴  
已去爾科道灼見何人堪任不許推諉

己酉右副都御史許守謙巡撫宣府督理軍務順天府尹王  
用汲為南京右副都御史提督操江四川左布政使劉繼文  
為右副都御史巡撫廣西

丙戌太僕寺卿周繼為順天府尹

戊子詔撫按官責成有司力行荒政不時舉劾從御史林文

英之請

免淮揚逋租四萬二千四百九十四石銀一萬九千五百十  
二金

翰林院庶吉士范醇敬為簡討

山西右布政使沈子木為右副都御史提督鴈門等關兼巡  
撫山西

三庚寅朔左都御史辛自脩罷自脩出特簡以申時行忤之故  
與何起鳴並罷

原武縣地震有聲暮復震



辛卯御史高維崧趙世卿張鳴崗左之宜以攻何起鳴謫維崧福建按察司經歷世卿汝州判官鳴崗廣德州判官之宜澤州判官吏科都給事中楊廷相等求宥奪廷相俸二月壬辰開封彰德衛輝懷慶地震

癸巳大理寺少卿羅應鶴為太僕寺卿崔廷試李尚思為大理寺左右少卿

戊戌兵部左侍郎石星為工部尚書吏部右侍郎吳時來為左都御史

己亥戶部左侍郎楊俊民改兵部左侍郎工部右侍郎趙煥

改吏部

司禮監太張誠閱視京營司禮太監黃勳提督太和山兼分守行都司

番禺人盧廷蛟言十八事放歸

平涼天鼓鳴

己亥更科左給事中張養蒙申救高維崧等奪俸三月

壬寅上視朝召輔臣於煖閣欲重譴吏部稽勲司署員外事主事顧憲成刑部主事王德新輔臣稍為解憲成謫桂陽州判官德新除名先是憲成言何起鳴訐幸自脩刺及輔臣

以智角智以力角力釋仁義道德之用兢拙巧於毫毛非今日所宜也今非科道而言事必曰出位好名否則曰是多行不難計畫無聊借以逃察或誠有之然使人出位而言者臺省為之也王德新言以何起鳴而罪各御史則御史行且不敢言矣萬一言乘輿言宮闈言宮監更何法治之此必有左右盡陛下者上怒下鎮撫司鞠其繇令吏部尚書楊巍戒司官守職毋忘言

癸卯大風霾

禮部覆禮科給事中侯先春言曆法當改義倉當置略曰洪

武迄今二百二十年未嘗更曆年遠數盈天度漸差邇者月食在酉而曰戌月食將既而曰未九分舛矣即一交食而氣朔餘閏躔離朏朏之類盡屬舛舛可詔天下博訪明曆者且該監有回曆其推年月交食及五星躔犯最精細曩月食時刻分秒並不差祇以原非大統曆法遂寘不用臣以授時曆可採回曆亦可採取其能合天度如果朏合即採入大統曆中以成一代之制云云上是之

甲辰大理寺卿孫丕揚為戶部右侍郎 溫純為左侍郎右副都御史李輔為工部右侍郎

乙巳少詹事趙志昂纂脩玉牒

戊申巡撫保定右僉都御史賈三近為大理寺卿左僉都御史魏時亮為左副都御史

庚戌禮部覆左僉都御史魏時亮所奏勤召對以運機資

誦讀以培聖德云云有旨凡條奏事關朕躬者已奏旨不必

覆

禮科給事中凌登瀛上言三日而朝暇日尚多早朝而退暇時尚多竊恐侍御奔走聲色佚豫有以間之皇上大婚十餘年矣茲斯之慶未蕃或者愛有所專而情有所不節也曷

不御文華取諸司章奏閱之令諸臣商確每日議定遂一批答暇則召儒臣談經史考古文優游涵泳事畢還宮則上下同心未必不如內廷之快意也上納之

辛亥南京太僕寺少卿詹仰庇為左僉都御史巡撫遼東右僉都御史張西銘巡撫保定等處提督紫荊等關兼河道壬子戶部覆兩浙巡鹽御史李天麟請開金塘大榭等山以盡地利謂先因倭患遂成荒蕪經同知陳文文田三萬六千餘畝山四萬七千餘畝令定海人開墾待三年賦之又葺鹽捕以鋤民患俱從之

癸丑兵部左侍郎楊俊民兼管軍職貼黃

乙卯尚寶少卿李栢為司卿

擢力克襲順義王晁兔台吉并不他失俱授龍虎將軍  
王妻封忠順夫人仍賚彩幣有差

丁巳勅旌魯陽王勤仄

王睦樞等輸穀賑荒

工部請暫停蘓杭織造不許

夜半涼天鼓鳴有大星墜光燦如電

四  
庚申朔總督薊遼軍務右都御史兼兵部右侍郎王一鷄為  
兵部尚書

乙亥廷臣失朝四百四十三人各奪俸三月

回賊深劫靈臺麟游等縣

丙子禮部

郎中余寅為陝西按察司提學副使

丁丑謚周府浦江王勤熒曰康惠

己卯戶部言山西運歉預備倉積穀甚多其賑粥多取於社  
倉有益於民或郡縣所無者可添設或紙贖糴賣或勸借富  
民春放秋收上從之

庚辰夜火星順行太微犯右執法

辛巳紫陽王誼德進封秦王幹珪封岷世子幹坤常寧王埕

壘內丘王常璉成臯王朗績襄陵王代府鎮國將軍鴈瑛進  
封和川王廷瑄潞城王

壬午蠲山東竈戶虧課又賑之

申申予故太子太保兵部尚書楊兆祭墓贈太保  
翰林院脩撰張元忭為左春坊左諭德清理貼黃

丙戌賑山東各王府貧宗人十二金

丁亥工部議疏寶應至廣洋射陽與高郵江都各路入海支  
河

戊子復命百官禱雨

是月梧州叅將吳伸闕大峒軍擣哨官梁鳳兵大譁兵巡道  
來經濟慰解之後調伸誅悍卒五人

貴州普定衛承生二首二尾八足

五月庚寅朔喜峪口大雨雹傷稼

禮科都給事中王三餘以災異請慎起居以防嗜欲御經筵  
以資啟沃戒內廷光祿之供省東南織造之煩勤召對之典  
下求言之詔 上是之

癸巳存問前禮部尚書陸樹聲

喜峰口大雨雹積尺許傷稼

甲午時京師大疫施藥

浙直大水

協理戎政兵部左侍郎蕭大亨回部

乙未前萬泉知縣符嘉訓永寧知州李鈇以貪敗遣戍

禮部覆南京御史陳邦科論舉子鄉會三場勻稱方許中式

如後場該博初場雖平必前後示勸  
上然之

予故巡撫大同右僉都御史申佐祭葬

勞堪戍邊先是洪兢章上命錦衣衛杖堪八十除名至是又

重論

六月未朔戶部題漕軍三七行糧給本官如遇盤剝要呈明督

運叅政或管理河間倉鈔部屬及兵備等官批照方支此天

津以南事也天津以北設有官剝舡等脚價隨地遠近以為

多寡載在議單運官不得另雇民舡以滋糜費自柁花淺至

王家渡等處俱呈請鈔關主事自李二壩至西壩俱呈請通

州莞糧即中不許奸旗賣私貨以圖盡剝報可

庚申戶科右給事中胡汝寧言京師二大害曰知縣差役傾

破民家曰貴戚鋪行侵奪民利  
上然之即行戒飭

辛酉夜雨雹

癸亥予故應天府尹方良暉祭葬

皇妹

封延慶長公主駙馬都尉王昂尚之

前大學士呂本卒本字汝立餘妣人舊李姓嘉靖十一年進士選庶吉士授檢討歷祭酒以少詹事兼翰林學士直文淵閣已直西苑自吏部左侍郎兼東閣大學士歷少傅兼太子太傅武英殿大學士後乞歸復姓呂年八十四予祭葬贈太傅謚文安以和好不爭之義值嚴嵩當國惟徇其指嘗攝吏部差次九列物議喧之後奪謚

乙丑夜月犯火星在軫宿

丙寅平陸天鳴平陽晝隕星

工科給事中

請戒織造

上不憚閣臣言萬曆四年有

旨減三分之七一年有旨減半惟

皇上深恩邦本弘惠下

之仁 上令仍原減三分之一

南京兵部尚書李世達改刑部尚書

丁卯命中外官凡宮室輿馬衣服冠婚喪祭之禮各遵制毋踰僭從之

夜平陰有大星如大光隕西北聲如雷

己巳南京工部尚書陰武卿為南京兵部尚書

工部題承運庫太監稱上供服飾等件及官旗夷人等項改  
匹各色紵絲紗羅綾細錦布共十二萬七千三百十五匹按  
萬曆七年至十年不過十萬七千餘匹奉旨戒勿再派已一  
萬八千餘匹萬曆十一年至十四年歲欠二萬六千餘匹今  
該前目約費一百六十餘萬今復以十二萬餘匹費何所出  
與其新派而難完不若徵舊之為便遂命減三分之一

庚午脩慶雲宮

癸酉總督兩廣軍務兵部右侍郎吳文華為南京工部尚書  
甲戌永安王府奉國中尉華墩卒止子婦許氏奉姑樊氏十

三年樊病癯疾歲餘親為舐癯侍藥朝夕不怠至是姑沒觸  
棺自縊以救免竟七日不食死事聞旌貞烈

命臨清河西務浙墅九江淮揚北新等各關稅自今年七月  
始本折兼收折色輸太倉本色輸廣惠庫

丙子南京工部右侍郎吳善為兵部右侍郎總督兩廣軍務  
兼巡撫廣東

庚辰朝鮮國王李昖以前陪臣在會同館失火奏謝賜蟒服  
一幣四

癸未國子祭酒李長春為南京工部右侍郎



丙戌左春坊左諭德兼翰林院侍講田一僞為國子祭酒  
丁亥大風雨壞民居時又饑命順天戶給貧戶米五斗銀五  
錢壓死者每口倍之傷者米七斗銀七錢

七 朔子朔命湖南行廣西鹽聽廣西巡撫覈之

乙未周府海陽王狂男子朝唯詣闕上十事訛字澁白以意  
會之曰門限欲定房制也曰除民行欲禁官價也曰審正軍  
欲革項替也曰清軍地欲防盜賣也曰治鹽法欲禁私販也  
曰清仕路欲杜賄賂之徑也曰添玉官欲設甲科長史也曰  
藏元經欲禁無為教也曰除限稿欲無戒宗祿也曰取冤王

欲脫宗室睦標於非罪也得旨奏內有可取者該部議上部

覆惟取冤王添玉官不行

大同地震

寇連東鎮夷堡

丙申南京兵部尚書傅希摯改兵部尚書協理京營戎政  
戶部右侍郎孫丕揚奏黃河饑民食草木陝西富平蒲城同  
官諸縣至食石臣恭進二斤伏候聖覽今海內困於加派乞  
酌定歲用刊為經國之書清難裁之冗息難支之民天下幸  
甚 上因停先年不時徵取命求理財裕民之計

開封及陝州靈寶等州縣大雨河決漂没人畜亡筭

丁酉夜大風雨通州各壩漂損漕米八千一百七十三石

庚子廣西巡按御史蔡系周陳鹽法七事均市價議航戶時

收散清支給明地方謹河道專職守其明地方曰廣西官鹽

止行湖南上命湖南行鹽聽廣西巡按查理載之勅餘依

議行

故兵部右侍郎蕭廩贈尚書予祭葬

丙午南京右都御史袁洪愈為南京吏部尚書

戊申江南河南大雨水陝西旱

辛亥降刑部員外郎李懋檜為湖廣按察使經廡主事劉志

選為福寧州添註判官先是懋檜言九事曰保聖躬曰安宮

闈皇貴妃以皇子得封乃恭妃誕育元子異日為國母而

位次貴下妃臣知貴皇妃必不安也宜益封恭妃恭妃安則

國本安皇貴妃亦安矣曰節內供曰御近習曰開言路曰賑

蠲曰慎刑罰曰舉刺曰制限田畝入不報而科給事中邵

庶因誠意伯劉世延條陳請禁各官非言青者毋輒言——且

欲堂官戒其屬懋檜駁其非上怒鐫一級科道申救不允

劉志選疏救上益怒並誦

乙卯前南京工部尚書陸光祖為刑部尚書

丁巳蠲折江南災租有差量免河東巡鹽贖銀十金  
建昌桐槽趙鶴黑骨等夷平共斬獲二千八十六人

八月午朔雲南左布政使張楚城致仕加太僕寺卿

吏部推太平推官蔡時鼎為南京刑部主事不許時鼎終於  
任貧不能葬漳浦人萬曆甲戌進士

勅旌趙王常清孝行

庚申諭吏部都察院曰南北水旱災沴頻仍百姓何辜罹此  
酷罰朕心閱焉守令為民父母宣達下情乃貪墨之吏剝下

罔上肥已瘠民或欺欺廢業縈耀博名侈費傷財阿承取悅  
朝廷蠲賑惠不及民其斷獄情每多冤抑傷和致災皆由於  
此今後選擇守令毋用匪人毋縱不職仍勅撫按官懲貪理  
冤糾察所屬

己未南京太僕寺丞楊時喬為尚寶司丞

壬戌禁有司交際

甲子河南鎮平人趙臣妻白氏奏豪民訾國父斃其夫男

上命逮之左都御史吳時來乞下撫按上命撫按訊畢解

入京

丙寅詔免河南被災今年站銀有差

命勲臣襲爵未任事者總協教習騎射策論應襲者授勲衛原薦授勲衛者一體酌用

丁卯順義王捨力克首馬謝封餽輔臣本兵各馬一命受之命禮部同詞臣選刻舊墨百餘篇以式多士

保定總兵官陶世臣劾免

己巳夜月食

丁丑夜月犯畢宿木星

戊寅命御史出巡務遵憲綱行事從左副都御史詹仰庇之

請

庚辰薊鎮副總兵楊紹勲為總兵官鎮守保定鎮守宣府總兵官董一元改鎮薊州永平山海關

辛巳前薊鎮總兵官張臣為左軍都督府僉書

夜建陽縣火

壬午翰林院庶吉士舒弘緒為禮科給事中

提督京城巡捕營李如松為鎮朔將軍總兵官鎮守宣府

九月亥朔日食雲陰不見

己丑汝州判官趙卿為太僕寺丞

諭停刑

蒲解安邑等地震聲如雷

左軍都督府僉書都督僉事史綱提督京城巡捕營

南京湖廣道試御史陳邦科言株荒五事酌議折允通行借

留嚴禁過糶核實分賑破格蠲免部覆從之

辛卯左副都御史魏時亮言督撫轉移全在舉劾道府官宜

歲一行部親察賢否從之

壬辰誅河南宗室勤魁以殺母及父妾也

甲午永昌涼州衛地震天鳴

丁未戶部覆左副都御史魏時亮所上七事曰築濬曰義倉

曰生養曰賦役曰刑獄曰科罰曰善俗一盜賊撫按每歲終

開冊上部院該科三年大計即以七事脩廢為殿最從之

戊申東甌王府將軍觀夫以誣蟻親王降為庶人

癸丑巡撫遼東右僉都御史顧養謙劾開原道兵備叅政王

絨剿撫北關之失請革猛骨孛羅爵賞

乙卯上偶不豫

十庚申諭機密事不許抄泄從兵科給事中邵康之言

申時行等言諸司章奏停留踰旬或經月或二三月因循誤

事乞即賜裁發不報

鄒陽兵諱治撫右僉都御史李材好講學改叅將署為書院  
叅將朱萬春族其卒圍噪幾殺兵備副使丁惟寧守備王鳴  
鶴初至謁叅將甚謹力諭解之材避於襄陽

壬戌詔順天廣平大名災租蠲停有差

順義王椿力克等貢鞍馬弓矢官其部落有差

甲子湖廣巡撫右副都御史孫坤調南京

丙寅命西安水利廳清軍道管理鳳翔漢中延安平涼臨洮  
鞏昌各守巡兵道各衙增兼筦水利各府清軍同知通判亦

兼筦水利事務

免江西贖銀一萬三千八百二十餘金

丁卯左都御史吳時來論律例未盡條件云命同部寺議

之

禮科給事中陳璧言卿貳大臣乞骸有四或高蹈遠引或度  
可知難揣情量力或憂謫畏譏宜甄別年力令休致以優老  
碩而全末路吏部尚書楊巍請諸臣自陳且乞先去上以  
大臣進退出自朝廷各官經科道會薦何必又行甄別卿安  
心供職俱不必自陳

庚午前巡撫南贛汀韶右僉都御史邵陞巡撫湖廣  
工部上大工勳爵事例

辛未南京右都御史海瑞卒瑞字

瓊山人嘉靖

貢

士署南京教諭臺謁不聽知淳安縣愛民乳哺鹽法都御史  
鄔懋卿不能詘擢刑部主事直諫瀕死天下稱之隆慶初起  
官歷右僉都御史巡撫應天威名藉甚墨吏望風解綬以奪  
富民田府怨里居十餘年起南京倉院轉南吏部右侍郎進  
總憲浹歲三遷所在跡剔弊垢毛舉細密期省約以裕民力  
然過剛不能容人人有言其過者屢跡乞休上心重之欲

置之內臺申時行不快也右副都御史王用汲臨其喪見葛  
幃散筭為泣下釀金以殯金陵巷祭罷市王世貞謂其不畏  
死不受錢不立黨盡之矣予祭葬贈太子少保謚忠介

王弘誨曰海公者非唐所稱楊綰涿耶方維之相唐而大  
臣戒聲樂勲貴徹驕從方拜命而轉化乃爾豈有聲音笑  
貌乎哉乃海公之砥節礪行而縉紳又多遺議何也夫謂  
公意不可一世則可謂公無用於世則不可因其不可一  
世也而遂詆其不得用於世則又不可於乎行為國棟德  
足世儀惠以達名介而遠利剛標高揭挽我叔季若海公

者吾不得而見矣

何喬遠曰嘉靖之朝諫者三楊為盛其季則海瑞之上跡  
特字方為童子里巷皆言瑞名瑞巡撫江南大不滿吳中  
巨室之口王世貞為作直中丞詩而于孔兼為瑞請謚因  
吳人也蓋瑞意則善而江南刁狡要未易與為直耳

黃東石曰予時初束髮諸生群謂公予尾其後見公爾然  
而長玄顯豐下耳雙垂容藹可掬而青紗織金服前後襜  
如乃知危冠敝袍世人傳之過也時忽傳京師解一木妖  
神來就訊曰神在御園為祟上歷舉諸大臣名皆不懼

云至海瑞則無聲小說家傳宋包孝肅事多依託鬼神想  
此亦傳聞之類與

癸酉司經局洗馬署國子司業盛訥為右春坊右庶子纂脩  
玉牒

四川雜谷安撫司都綱番僧板伽監藏等貢方物

乙亥命工科都給事中常居敬勘河時黃河漫漲自開封封  
丘偃師及東明長垣多衝決申時行等言今不治明年河  
將北徙上深不下徐淮則運道可憂不可不亟圖也

浙江撫按乞停浙西織造工部覆留六年蘓松浙江事例銀



備費報可

丙子<sup>謚</sup>稷山王恬<sup>諱</sup>曰康和

四川賦乃首假者黑骨夷種也與中鎮夷白祿連結為逆上  
川南道兵備副使武尚耕欲先誅白祿遣指揮李獻忠等取  
他道往敗沒巡撫徐元泰乃益兵分三道剿之中道最衝裨  
游擊周于德往尚耕監軍

南京巡視下江御史黃正色祖籍嘉興守禦干戶所舊隸蘓  
州衛令改避

戊寅吏科給事中張養蒙言部曹改科道非制也今雖奉旨

而待取者多覬覦之心旁觀者起紛紜之議故改選不可不  
止也四川巡撫徐元泰括征賦乃一軍盡覆當力求貶削乃  
委罪三將違制與僉事鄭東昇等失謀故元泰不可不罪也

上是之罷改選元泰俟後論

庚辰前南京刑部右侍郎王世貞為南京兵部右侍郎南京  
工部右侍郎李長春改南京禮部右侍郎通政使右通政周  
采為右僉都御史巡撫福建  
免廬鳳淮揚滁和等處田租

柏林占等族番人貢甲馬

翰林院檢討王祖嫡為國子司業

辛巳上林苑右監丞徐琰言祖訓制書會典集禮大明律憲網諸書並無監官拜提督四署中官之例今韓印欲監丞及署官行拜禮臣不敢違國典以成 僭踰之罪 上謂有成例奪琰俸二月

癸未南京大理寺卿舒應龍為南京工部右侍郎

韓府休寧王朗鏐謚端惠

甲申逮遼東開原道兵備叅政王緘下鎮撫司給事中彭國光吳之佳御史田一麟各論救

免蘓松藥材牲口料銀

十一月丙戌朔免徐州泰興江都如臯儀真海門寶應興化所逋

工部料價又緩三河縣柴價一年

南京太常寺卿沈玄華為南京大理寺卿

戊子奪李材俸半年丁惟寧王鳴鶴各一年悍卒

科給事中陳璧言材薄罰遂免材官誅悍卒

己丑南京光祿寺卿杜友蘭為南京太常寺卿

辛卯令河道該筦五年內失事者巡撫奪俸三月道臣降俸

一級

壬辰太僕寺少卿余懋學為南京光祿寺卿

乙未諭刑部往嚴尚書曾遣人聽記今何不容若訊得其平聽記何畏時太常寺

論大興知縣王偕擅笞樂舞生因

下法司上陰遣二校偵之聽記其語主事孫承榮謂非故

事果奏密旨宜潛其跡上聞而怒尚書李世達等謝罪奪

司官俸二月刑科都給事中唐克欽御史郭萬里等俱諫聽

記不允

丙申新建伯王承勳為南京協同守備兼署後軍都督府事

丁酉刑部左侍郎耿定向為南京右都御史

庚子莞府軍前衛懷遠侯常胤緒為前軍都督府僉書

辛丑太常寺卿裴應章為右副都御史撫治鄖陽

壬寅提督四夷館太常寺少卿趙世卿為通政司右通政

癸卯刑部右侍郎陳瓚為左侍郎南京吏部右侍郎何源為

吏部左侍郎

甲辰順天府尹周繼為太常寺卿應天府尹石應岳改順天

戊申定國公徐文璧代祀南郊免賀

四川巡撫徐元泰討四都叛酋職乃假者進兵至官廖河賊

迎戰以天全酉陽土司兵擊之而潛師自上派統賊後賊驚

清新白祿子阿則等逐北至冷溪河獲頭目阿擺賊退據馬  
蝗山我進奪其積粟賊復據大鷹崖固守欲老我師我除夕  
搗其虛斬白祿方大雪冒險以進賊大潰  
甲寅復大庾縣儒學

十月二日朔前南京吏部尚書何寬卒

丙辰少詹事趙志舉為南京吏部右侍郎大理寺左少卿張  
橚為應天府尹

辛巳南京工部右侍郎舒應龍為戶部右侍郎兼右僉都御  
史總督漕運

壬午以京師米貴預支軍匠明春銀米各五斗

是年冬龍虎將軍切盡台吉死吉能總督部光先言其勤慎  
垂死戒其婦妣吉善自保部衆毋忘朝廷命諭祭一壇

瞿九思曰以臣而觀九塞控弦之亡慮數十萬而切盡  
黃台吉獨以賢能聞豈非鉄中之錡哉而說者謂其導  
俺荅西行此不能無罪臣以為切盡好佛所上表章皆參  
以佛語非可以鞶鞶比也假令俺荅非道之好佛率其

好殺之性受禍當何如哉善乎史臣之言曰毋為禍首往者由涼永山丹而西游者非切盡乃火落赤也顧說者察耳臨終而猶率其母妻無背國恩宜其稱之勿絕也

前南京吏部尚書汪宗伊卒宗伊字子衡婺源人嘉靖戊戌進士知浮梁擢吏部文選主事避兄太僕卿歷武選郎中忤嚴嵩家居十七年隆慶中起南吏部尚書卿累進南京

右都御史改總督倉場戶部尚書三年庚辰改南吏部尚書致仕

是年安南黎維邦死鄭簡子松立其次子維潭居清華

戊子萬曆十六年

正月朔大雷雨

甲午御皇極殿受賀

京師草廩火

潞王府成

癸卯戶部主事劉光下法司光守太倉銀庫多物議給事中梅國樓論之

甲辰四川巡撫徐元泰奏辨征賦乃事功且垂成一工遂不

准其乞休

乙巳改日講期於二月十日

丙午左副都御史魏時亮上法祖四事曰法祖典學宜久而益勤曰法祖養心在宮闈體驗曰法祖建事握行政任人之機曰祖法希堯萬信反求之志 上是之

丁未浙江左布政使張一霖致仕加太僕寺卿一霖初不附權貴移告雖按臣見指而部議優之

巳酉御史劉汝立終養乞致仕許之

庚戌刑部尚書李世達左都御史吳時來大理寺卿孫鑰申

明律例未盡者六事一奴婢凡官民家倩人限年者從僱工論其買配年久同子孫論買暫未配士庶家以僱工論縉紳家以奴婢論一竊盜三犯或赦前一赦後二或赦前二赦後一俱入矜疑一強盜一殺人一子孫殺祖父母父母者單具即決斃獄亦僇其屍一偽印者斬不論何物成造 上允行套一卜失兔圪阿諸酋市賞畢仍屯聚不解以脅我我兵擊之擒三人獲馬四十匹卜失兔始謝罪

癸丑特加致仕尚書嚴清陸樹聲太子少保及尚書張瀚何維柏陶承學王崇古郭宗臯趙錦右都御史曹亨各給月廩

歲役

二朔辰戎政尚書傳希摯請侍經筵許之

庚申免西安鳳翔起存銀三萬四千有奇

南京湖廣道御史陳邦科請錄用建言進士彭遵古顧允成諸壽賢跡下部覆有特處示懲之旨

癸亥禮部請以曾子裔孫如孔顏孟三氏為四氏學從之曾氏裔寓江西永豐嘉靖中始襲世博士復還山東故御史毛在言之

乙丑上御經筵畢閣臣出文華門傳止之有頃司禮太監

張誠示貞觀政要曰上問魏徵何如人答曰徵敢諫亦賢臣也誠曰縣官謂其先事李密後事建成太宗非賢也九經皆聖賢所作豈可不知若大學衍義明脩齊治平之道因罷貞觀政要講禮記

行太僕寺卿苗淳然以陝西僉事陞自負才品不安於同司遂訐奏巡撫王堦文選郎中徐一禎害已給事中楊廷相洪有復交論其私憤竟落職

勘沁河工部以沁水入黃河衛水入運河舊矣頃沁水決木藥蓮花口而東督河楊一魁議因決濟運蓋欲導沁入衛其

勢便也科臣常居敬往勘會撫按東貞吉王世揚謂輝城早於河藩封新建恐決開而勢不可止有衝激之患且沁水多沙善淤入漕未便不如堅築決口關河身以吐南行之氣而加浚衛河民得灌田尤完計也 上從之

丁卯 上御文華殿就講禮記左庶子劉虞夔倉皇遺脫字句太監李浚傳諭日講官宜熟習閱臣代為請罪報聞

申嚴驛禁仍諭各衙門公差別名奏遣不許擅委

戊辰刑科給事中許弘綱請釋進士彭遵古等不許

中軍都督府左都督李文貴卒部覆祭葬如例特祭九壇不

為令

己巳刑科左給事中陳燁奏邊賞之濫至以世官為常格而乘輅之使絡繹為累請行禁飭章下所司

辛未巡撫保定右副都御史張西銘為南京工部右侍郎

壬申 上不豫

甲戌太僕寺卿羅應鶴為右僉都御史巡撫保定  
乙亥禁勢豪越占溝渠

丙子禮科給事中陳璧請經筵講大學衍義報聞  
陝西撫按王坎妣之讓請壅延安慶陽萊田從之



丁丑國子司業王祖嫡請復建文君之紀年正景皇帝  
之附錄略曰建立紀年之不可氓者五自古無道之君天人  
共棄革其命矣不聞革其年也矧師曰請難明非復仇胡為  
以薄海內外已奉之正朔而去之不可一請難宣力諸臣安  
希第士日構建文之過本非成祖之心事平固已幡然感  
悟故鄙呂震獨無封事論吏部不念舊惡榜條方列旋即除  
毀革除之議起於六月庚午命府部建文條格悉復舊制  
今年稱三十五年而已皆一時逢迎之臣從諛至此後世不  
察遂謂成祖獨斷歸過君父使親之心不自不可二或

謂成祖定鼎功同再造如復革除則師疑無名夫太祖  
之視成祖建文同一子孫也今日之視二祖同一祖宗  
也不革除謂不能仰體成祖心必革除其為仰體成祖  
心乎靖難以彰再造之功不革除以紀在位之實何悖之有  
不可三國史野史上下並傳信野史而疑國史若謂國事多  
諱不若求之野耳夫年既革除事必散逸今紀建文者止  
慮數十家謬誤相承至不忍讀逞其雌黃遂淆朱紫豈細故  
也不可四革除者使天下後世不復知有建文耳而千萬  
世之後寧能以建文之實歷為洪武之虛年乎不可五臣

之附疑附錄何也 睿皇帝赫怒振旅雖曰失計然非游獵也 景皇帝監國正位雖曰權宜然為社稷也名異兩朝事歸一錄又何說乎臣謂景泰之錄不可附者亦有五成化十一年十二月 憲宗勅廷臣曰曩者朕叔郕王踐阼戡難定邦寢疾之際奸臣倖功妄興讒構請去帝號 先帝尋知詎妄深用悔恨以次抵奸於法不幸工賔未即舉正朕嗣天統間以復帝號一事質之 聖母亦曰此 先帝本意宜即舉行朕祇服聽訓用成先志其仍復皇帝號會議尊謚以聞夫既加恭仁康定之尊謚而不去廢帝郕王之舊名前後背

拂不可一臣嘗反覆錄中凡涉問安奉迎之文並為裁削聞之者舊蓋編摩者承時于謙王文之獄固曰不如是則事出無名噫加人以惡侈己之功不可二詩於兄弟戒勿相稱一謂弟薄而兄效之也 景皇帝不敢曲為之解 英皇始雖惑於讒構終竟懷乎悔恨在 憲皇之勅具見不知者謂英宗怨之而不敢改沒虞帝親愛之意啟漢文粟布之譏不可三晉元宋高豈真戡定之績徒以皇、之際收拾人心稍能立功故史不得不與之 景皇帝萃渙合離外攘內脩於狩回鑿神州如故七年之烈曾不得如晉宋之例後世謂何

不可四編年之義所以明歲時嚴統系也附僭偽附偏閭附夷狄表大義也以景皇帝之錄而從附謂之舛以景泰天順之事恭正統天順間謂之淆不可五合耳復建文年號付史館脩錄其景泰自為一錄削邨戾舊名亦善繼善述之道也章下禮部

工部議黃河為患自古已然而治河之難中州為甚蓋沙壅土踈曠野千里獨特塔埽脩築功難就而其費令科臣常居敬撫按袁貞吉王世揚會勘地連十縣界兩省而唐家口為黃河要地考城曹縣兩省居民互相盜決宜分地專官嚴築

在祥符榮陽中牟屬河道僉事在封丘陽武屬大梁道在蘭陽儀封及考城芝麻莊陳陰莊唐冢口隄壩屬兵備副使河內武陟沁河諸衛屬河北道叅議堤凡三萬三千一百五十大費一萬四千六百餘金上從之

戊寅申時行等進閣藏太祖高皇帝御札七十六道上命併進累朝寶訓實錄每閱必御冠

量免河南田租其開封歸德改食長蘆山東鹽其南陽歸德汝寧令平糴煮粥

庚辰太僕寺少卿王致祥為寺卿

浙江按察副使吳遵晦左布政陶幼學苑馬少卿戴鳳翔以  
招納投獻為巡按傳好禮所糾下臺訊

提督陝西都先請增年例銀不許

隴西縣天鳴銜山縣連雨百餘日傷稼

三朝申朔義烏知縣熊祐芳初以撫按溫純傳好禮會薦而秋

芳改行好禮自劾引罪溫純方陞戶部左侍郎乞分過不聽

吉王珣鑿以龍陽王進封至是求次子常汝改郡爵不許

丙戌閣臣上思政養心省心樂志四箴

丁亥覓寶訓實錄於皇史宬無有云

世宗以避西域萬壽

宮偕突也命更錄上

己丑薊遼總督張國彥總兵李成梁發兵剿北關卜寨那林

孛羅二酋為逞仰二奴子初兩酋圍多商我檄諭之不聽乃

提數千騎降夷二百人東抵海州夜抵開原令吏率母擾南

關給多商白布披其肩為識且出威遠堡三十里至落羅寨

亦北關都夷也叩馬閉壁戒不犯卜寨那林孛羅寨各去數

里恃險不聽撫將戰我攻之游擊吳希漢陷堅中沃矢不退

軍薄城下力拒我卜石城外重柵立八角樓守具甚備破

重柵而石城堅我仰攻輒死發大砲洞堅斬把當亥等五百

五十四級獲馬九十八匹又植雲梯與中城等上置砲下寨  
耶林孛羅始懼乞命與南閩分勅入貢成梁許之乃旋師  
瞿九思曰有功不賞有罪不誅雖唐虞不能以化天下信  
哉是言也始遲仰之捷所以優邊吏者為禮顧不重與厥  
後至逮捕兩備兵使幸無驗今諸臣其誰不凜於陛下  
下德威並著哉卜寨耶林孛羅能不及阿台頗遠遂欲圖  
危夏商得乎無問夏商故主人翁孫子即以忠之遺而  
况海西又屬我左臂明甚堂大漠豈能遽使夏商坐而  
自斃耶嗚呼悲夫實兩酋所以速自斃也

癸巳禮科給事中王士性請開復黃河故道謂自徐而下河  
身高而束以隄行隄上與徐州城平急流益迅委全力於淮  
而淮不任故昔之淮黃合今黃強而淮縮不復合矣黃強而  
一啟天妃通濟諸閘則黃水乘運河如建瓴高竇一梗即江  
南百萬石之運坐廢淮縮則退而浸泗為祖陵計不得不石  
隄增河益高根本不可虞予河至清河南衝者四折而入  
海淮安高郵寶應鹽城興化諸生民託之一丸泥決則盡化  
魚鱉特奈之何而議者欲增隄泗州或可開顏家河灌口河  
永濟河南築高家堰北築滾水壩近議開月河章灣崔鎮三

壩如蟻穴漏卮補救並無寧歲總不如復故道為一勞永逸  
之計也河故道由柘源三義鎮遠董家衛與淮合在清河縣  
北別有濟運一河在縣南蓋支河耳河強奪支河直趨縣南  
而自棄北派之道久且斷河形固在也自柘源至尾子灘九  
十里地下不耕無廬墓之碍至開河費視諸說稍倍而河道  
一復為利無窮章下所司

甲午故翰林院脩撰舒芬贈左春坊左諭德謚文節故河南  
道御史傅應禎贈大理寺

少卿

遣使存問前禮部尚書陸樹聲從南京禮部尚書姜寶之請

而唐順之祠額不允

設蘓松水利副使係銜湖廣按察司以山西副使許應達改  
任

丁酉復故雲南巡撫兵部左侍郎鄒應龍官予祭葬

重脩海鹽石塘

戊戌巡撫甘肅右僉都御史曹子登進右副都御史

辛丑改土司思明州屬太平府時思明土舍黃拱聖謀篡殺

母兄拱極而思明知府黃承祖乘亂掠其村寨撫按請誅拱

聖革承祖職立功自贖

癸卯巡按雲南御史蘓鄰言故按察使李材等平緬甸欺罔  
前報四月賊數萬屯遮浪五月十七日迤西遮莫合兵殺死  
亡笑隨領部覆至騰衝貢象歸款今乃云嚮往知知至六月  
五日報緬兵已到密堵夫密堵至騰衝四十五程去擺古約  
三十程何往來不及一月也阿瓦江在猛密南威緬隔岡勒  
北原非策應順路李材向於永昌創書院講學七月十七日  
生辰游擊劉天澤以九日赴賀見各官發兵原無城守次日  
未離騰越今云賊柵以阿瓦江為險本道移騰越游擊進威  
茂何也密堵正迤西敗緬之地原無城守與遮魯博薛等處

皆村寨或旁密堵或進蠻哈相去遠甚緬兵敗歸夷酋方報  
今云七月八日發兵東破遮魯夷城十三日戰密堵當在何  
時也報破緬象萬餘擒斬三千餘級炎瘴難運標積聽驗今  
見級不滿千餘稱思化燒燬夫戰地在密堵運回應在騰衝  
思化江屯相去各數百里兵未嘗交何從燬也報奪白夷民  
千二百四十四人生擒六百八十九人今按奪回者未見給還  
何部生擒者未見安置何地詰之第曰各夷不肯解出夫既  
系奪回何被各夷留執也報遮魯城約兵三千密堵積兵二  
三萬戰象數百乘勝追殺屍橫遍野果爾則器骸山積矣今

按象二隻夷器六十三件豈數萬賊皆張空拳就死耶報連  
克八城拓地千里今按猛暴為緬兵屯據蠻莫為思化驅略  
三宣以外尚未誣服豈諸倔強尚在數百里內而開拓顧踰  
千里乎總之李材虛望驟躋期邊功自見撫臣且為所欺而  
部將又何論也跡上命部科參覈

改平樂梧州清軍同知各加江防銜

丁未時陝西秦州有囉哩賊據石門山三寨殺傷官兵

戊申張應登丁懋遜李汝相李獻可任讓李周策吳文梓孟  
養浩楊文煥楊恂李文郁羅萬程章尚學李汝華杜華光徐

常吉並為給事中安文瑩陳效荆州俊霍從教潘士藻張文

德陳子貞龔雲梅國楨連標王道增周班爵李化龍李光

祖崔景榮管九臯陳達張季思曹楷顏洪範方萬策何出

趙一鵬王麟趾陳揚善劉寅李自謙俞空高並試監察御史

江南北山西陝西河南大饑疫

左春坊左諭德兼翰林院侍讀張元忭卒元忭字子蓋山陰  
人隆慶辛未進士第一授翰林脩撰歷令官恬漠耽道於進

取泊如也年十贈謚文恭

朱賡曰國朝科名以甲魁為卿相勲德並懋垂鴻無窮者



無論已乃位不越中大夫而名播寰宇沒世之後猶蒙表  
章則一峰羅公命梓溪舒公芬念菴羅公洪先三君子之外  
靡得而聞焉三君子所謂不愧科名者也豈其卿豈其相  
哉子蓋之造即未知其所止要之理學同氣節同官不過  
五品又同安知後世無表章子蓋以繼三君子之躅者乎  
詔脩江南水利

劉鳳曰蘓之三江曰吳淞江曰婁河即婁江曰黃浦即東  
江昔嘉定尹龍晉以御史左官濬治吳淞百年以來淤滯  
民大被其利名之御史河方鑿地時獲一石上云得一龍

江水通蓋豫記之矣近巡撫海瑞復跡之後乃專官以憲  
令督者治累年蓋吳利水稻其豐穰惟在水之節宣得其  
所昔草謬有書繼則沈憲副啟圖志尤詳實不越高首所  
云三江既入震澤底定二言也

是月神木孤山兩堡卒闕詢大諱巡撫延綏右副都御史梅  
松誅禍首人

四明寅朔截漕二萬石賑鳳陽淮安揚滁平糶

直隸巡按御史喬璧星言治河永樂九年分設都司督理事  
已輒罷正德四年專設憲臣總理河南之開封歸德山東之

曹濮臨沂北直隸之大名天津南直之淮揚徐穎咸屬節制  
建牙如督撫重河防也萬曆五年因河漕兩臣意左併河於  
漕遂在山東河南北直皆以巡撫兼領之官無專督河患日  
深頃常居敬議專設亦有見也部覆從之

丙辰巡按直隸御史任養心言遼東總兵李成梁子如松駐  
宣府如柏駐密雲第成材駐黃花鎮而李平胡李興李寧王  
維藩皆姻舊廝養為列鎮叅游甚多神京左右盤據驕橫而  
如柏尤貪淫跋扈不早起恐釀變上罷如柏仍諭成梁等  
毋牽及

戊辰起潘季馴右都御史總督河道兼理軍務

葉縣地震

巡按浙江御史傅好禮以便冝折漕米賑饑

庚午禮部左侍郎兼翰林院侍讀學士署詹事府事王弘誨  
兼教習庶吉士左春坊左庶子兼翰林院侍讀劉虞夔為太  
常寺卿兼侍讀學士署翰林院事

前南京禮部尚書何維栢卒維栢字

南海人嘉靖

進士選庶吉士授御史按閩言事忤嚴嵩下獄除名隆慶初  
復官歷尚書致仕年七十七予祭葬謚端恪

南京國子司業余孟麟為司經局洗馬仍署司業

丁丑申時行六年考滿進左柱國兼支尚書俸廕中書舍人

五朔未朔嘉興地震

乙酉廷試歲貢生

戊子前兵部尚書凌雲翼奪秩閑住

辛卯宣遠東北關之捷受賀

壬寅先是川南征賦乃首者賊詐降都指揮使李獻忠等全軍覆沒議窮討南京刑部給事中徐桓言不宜滋擾至是拔寨十九斬一千八百六十三級俘七百五十六人降二千二

百餘人擒渠帥復侵地百四十里副使武尚耕摩崖題石殺

馬溪為華夷界瘞鉄牌鉄索而盟旋師巡撫徐元泰奏立屏

山縣於馬湖時多咎其濫殺邀功

瞿九思曰善哉予御史劉寅請兵憲於建昌也彼乃乘瀘

水烟瘴疑惧我邊吏乃得以倡狂於其間乎臣聞我眉至

建昌乃司馬相如開越舊時所鑿青衣道也嘉靖中兵憲

富好禮請通道通道誠可防相嶺良是良是至若中鎮西

寧水池延袤五六百里可耕牧樵蘇如以為也且守可省

邊餉萬也信然哉

乙巳諭禮部今天災傷重大民窮時艱又上天警戒爾部行  
內外官司痛加脩省時山東陝西山西河南浙直俱大旱疫  
告困之跡日上  
大通倉燒糧六厥

丁未閱臣上 二祖實錄

葉初春董道醇為兵工科給事中道醇南京林道南林國材  
陳忭表應文為試監察御史

南京兵部員外郎張一桂為國子司業仍俸正五品  
己酉刑科給事中楊文煥劾外戚王道亨鄭承憲怙勢毒民

上責二人治其黨有差

勅旌魯王顧坦賑饑

六月卯禁在任官立祠

丁巳吏部奉命陞謫官州判張鳴岡左之宜顧憲成高維崧  
高州等府推官

戊午故國子祭酒蔡清謚文莊

己未勘河給事中常居敬言黃河故道難復議開警家營支

河

庚申夜京師地震

巡撫應天右副都御史余立為南京大理寺卿

山西道御史陳登雲請冊立東宮且罪鄭承憲驕橫之狀不報

癸亥太常寺卿周繼為右副都御史巡撫應天

甲子暫停浙江織造減蘄州之半

進王錫爵太子太保詹國子生以三年考滿也

乙丑大理寺少卿李尚思為太常寺卿

庚午報順義王西行與瓦剌仇殺於甘肅塞外

辛未起艾穆光祿寺少卿

壬申兵部覆章湖廣總兵并罷武靖伯趙光遠不許

臨城大雨雹建陽蝗

癸酉給事中常居敬上脩理河道圖

閏六月壬午朔戶科左給事中穆來輔上籌邊要略

癸未申時行等以上報講請仍進講章特賜觀覽俟秋涼就講上褒答之

甲申兵部言近來外戚紛請尉軍會典皇親尉軍行錦衣府軍二衛撥給三十人旗尉原備直駕充儀衛會典公主出府錦衣衛撥尉三人軍三十七人部主俱二十四人而外戚

反過之可乎 上從之命查革如例

福建道御史潘士藻言今召對久曠君臣之情不通誠欲往  
事行之而議人才之用舍大工燒造之當停金花之當蠲時  
與商略脩省之實毋過於此 上怒謫外

南京河南道御史方萬山劾江西巡撫陳有年過糶殃民命  
罷有年時粟貴有年令本省買遷毋販外而政府嘆其不通  
問吏部謂有清望乞改用不聽

已丑河南左布政使莊國禎為右副都御史巡撫江西

乙未前太常寺少卿王世懋卒世懋字敬美太倉人嘉靖

進士亦能文同兄世貞見稱

戊戌命各省鎮調戍官軍聽其地撫按考察舉劾

丁酉前太子太保兵部尚書張佳胤卒佳胤字 銅梁人

癸丑進士

壬寅水西土舍安國亨奏前進木被撫臣委商所劫 上欲  
責撫臣閣議國亨奏辯稱冠帶土舍又擅參巡撫非體 上  
然之

禁各遣御史不許占用坐馬

甲辰失朝官七十一人奪俸二月

丙午命孟秋祭日寅時省牲故事先日省牲獨孟秋尚暑故移之

己酉前刑部左侍郎萬恭平恭孚

南昌人嘉靖戊戌進

士

總理河道潘季馴請嚴閘河啟閉之法云黃河水濁而強泛泗清而弱其交處則茶城也每伏秋黃水發入淮沙停而於

勢也黃水消漕水隨之沙隨水制而通矣縱有淺阻不過旬日如萬曆十年中河即中陳瑛立石洪內華二閘遇水發即下板以遏其橫而黃水落則啟板以出泉水臣前月望至宿遷閱視同知徐申謂本月望前黃水長至丈餘漫入洪口即下閘板至二十一日水稍落於是啟閘通漕至閘六月等日亦然前不過七日後不過三日隨長隨落此二水勝負通塞之故也建閘易守閘難運首之馳行勢豪之開放程不能待而利害決矣乞嚴啟閉之法報可

旌烈女六安汪氏氏許字程廷佐未歸而廷佐卒氏痛甚自

經竟同穴

是月大同新平堡擺腰開市，以千騎折墻入掠人畜。

七月未免東阿等三十七州縣夏稅丁口鹽鈔銀。

戶部覆御史劉霖題戚臣莊田除中宮之親傳五世、限百頃、駙馬傳五世、限十頃、諸妃家傳三世、遷官、上允之、第有出之妃賜未百頃者准留。

刑部右侍郎何源為左侍郎、大理寺卿孫寵為刑部右侍郎、乙丑皇四子常治殤、謚曰懷、追封沅王、己巳延綏西路陷、霜殺稼。

戊寅通政司叅議陳大科為太僕寺少卿。

己卯南京太僕寺卿王湘為南京大理寺卿。

申時行揭救李材不聽、竟以官員說謊律論死、蓋獨斷云。

南京工部尚書吳文華改南京兵部尚書。

五月午朔雷震南京西華西安等門、碎鷓鴣吻簷柱。

癸未鄒平王府庶宗頤坐有罪賜死。

乙酉光祿寺少卿謝杰為南京太常寺少卿。

頒徵糧冊式各省、直接季註數、毋隱沒。



丁亥 上復閱壽宮勅武清伯李文全左都御史吳時來居

守  
光祿寺丞魏允貞為少卿

戊子以御史荆州士論薦進士諸壽賢顧允成彭遵古各除  
教授

己未以皇女生徵太倉二十萬金

己亥刑部尚書李世達覆叅駙馬都尉侯拱辰貪橫不法命  
奪任送太學省愆百日

辛丑工部主事王繼先註籍不繳關防工科常居敬糾之下

鎮撫司

丁未太子少保禮部尚書沈鯉奏聖壽屆期乞早冊立報聞  
日講官吏部右侍郎朱賡為禮部尚書署庶事府事光祿寺

卿周世選為右僉都御史巡撫河南

吏科都給事中張鼎思 科給事中陳燁與江西按察副使

房寰互訐寰前南京提學御史謂鼎思私囑以巡撫王元敬  
手書上之有旨責給事各歸辦 上愈怒各降二級聽調元

敬落職閑任

于慎行曰唐長慶元年錢徽知貢舉設文昌李紳各有所

嗚榜出皆不得預文昌構之於上徽逆敗官或勸奏其私  
書徽曰苟無愧心得喪一致奈何奏人私書非士君子所  
為取而焚之觀徽此舉何等心事凡人刻薄者必不正大  
阿媚者必不寬弘能受私囑者必能奏私書君子小人政  
於此觀之

奪宣府總兵李如松參政王學書俸三月時爭坐被論

戊申李材等論死陳嚴之等削籍刑部司官各奪俸

是月各京省考官順天右庶子黃洪憲盛訥應天左庶子劉  
元震洗馬劉楚先浙江翰林脩撰蕭良有兵科左給事中胡

汝寧江西翰林侍講陸可教刑科左給事中陳燁福建翰林  
脩撰楊起元吏部主事劉學曾湖廣翰林侍讀馮琦禮科右  
給事中白希繡河南吏科給事中張養蒙大理寺評事張國  
璽山東刑科左給事中邵廣刑部員外郎趙祖壽山西吏科  
給事中楊其休禮部主事陳應芳陝西吏部主事朱來遠禮  
部主事向東四川禮科給事中王士性戶部主事劉奕廣東  
禮科給事中陸懋龍兵部主事朱維京廣西吏科給事中舒  
弘緒刑部主事朱熙雲南戶科給事中李廷謨工部主事陳  
所學貴州工科給事中洪有復兵部主事梁雲龍時應天分

考當塗知縣章嘉禎中曹祖正四十九名詩經荒字十號誤  
填春秋荒字十號曹祖正尋檢舉應天府尹張橚等遂未進  
試錄奏祖正除名嘉禎奪俸五月左庶子劉元震等奪三月  
詩經卷解訃覆院

河決東光魏冢口壞廬舍

九月子工部右侍郎李輔為南京工部尚書

先是應天府丞許孚遠揭辨李材於是廣東道試御史管九  
臯劾孚遠命降二級調外

南京守備署中軍都督府事魏國公徐邦瑞卒

戊辰諭吏工二部加慎河道官勿勞民耗財視為故常

己巳昌平總兵官張邦奇鎮守山海關

庚午巡按陝西御史徐大化言臣巡河西見多曠土因講求  
水利會巡撫曹子登於甘泉寺暮歸值甲士十數騎持刀突  
至臣從者叱之曰巡按也乃去臣間道入城聞甲士入寺跡  
撫臣撫臣亦以間道免於是總兵劉承嗣密語臣曰慎勿開  
門聽其逸而尾之必獲矣明日果獲問之則以承嗣鞭貫太  
嚴餉不時給也故欲甘心撫鎮誤犯按臣云

免浙江牲口銀十之三

壬申偏頭所星隕

甲戌叙壽宮功工部尚書石星進太子少保侍郎曾同亨進尚書餘文武齊廢有差

應天貢士王國昌冒籍除名

乙亥復設湖廣行都司

丁丑金星晝見

戊寅宣大督撫鄭洛許守謙工六事墾復屯田催徵逋負清查逃回跡通鹽引懲戢駁削裁革糜冗工從之  
已卯禁邊將私招屬夷

十月己朔巡撫甘肅右副都御史曹子登移巡撫保定左通政趙世卿為光祿寺卿子登尋論罷

甲申總督河道潘季馴上河防八事久任部臣責成長令禁調官夫預定工料立法增築添設隄官加幫真土接築舊隄從之

乙酉巡按廣東御史蔡夢說請宥故相張居正子嗣脩戍雷州不允

蠲龍陽等州縣屯糧

禮部右侍郎徐顛卿改吏部前吏部右侍郎趙煥為左侍郎

陝西按察使李廷儀為右僉都御史巡撫甘肅

丁亥貴州布政司叅議楊寅秋為雲南按察副使

脩慶雲宮

湖廣饑

戊子西卜炒胡兒把漢及青把台吉火落赤等會東下店囊

合掠瓦刺事聞命鎮夷游擊移鹽池肅州叅將移臨水備之

己丑寧夏報墾荒十一萬四千一百餘畝

庚寅翰林院庶吉士林承芳吳應賓來宗道全天叙蕭雲舉

王圖彭烜黃汝良為編脩簡討李沂劉弘是王孟熙薛三才

劉為楫為給事中林祖述趙標曾礪王道正為御史

辛卯左副都御史魏時亮為工部左侍郎國子祭酒田一雋

為禮部左侍郎兼翰林院侍讀學士

乙未勅秦寧侯陳良訓忻城伯趙泰脩署南京中軍都督府

事

前南京國子祭酒黃鳳翔為國子祭酒

孟養宣慰司貢馴象方物

左僉都御史詹仰庇為左副都御史

起日講官禮部右侍郎兼翰林院侍讀學士張位仍協理詹

事府事太子眉畧禮部左侍郎兼翰林院侍讀學士署詹事  
府事王弘誨為吏部左侍郎

己亥巡撫寧夏右僉都御史梁問孟為左僉都御史  
癸卯甘肅總兵官劉承嗣為後軍都督府僉書俄罷之赴總  
督聽用

順義王捨力克上表貢馬

乙巳陝西左布政使姚繼可為右副都御史巡撫寧夏

丙午予故戶部右侍郎呂時中祭葬

分守沱岷副總兵李暘為平羌將軍總兵官鎮守甘肅

十月辛亥前南京兵部尚書郭宗臯卒宗臯字登州福山

人嘉靖己丑進士選庶吉士尋授刑部主事改兵部除湖廣

道御史直諫被杖歷右僉都御史巡撫順天大同宣府進兵

部右侍郎總督宣大坐入逮戍邊隆慶初起刑部右侍郎

以南京右都御史改兵部尚書致仕年九十贈太子少保謚

康介予祭葬

于慎行曰當嘉靖戊子東省舉士得公及葛端肅吳介肅  
二公皆世所稱鉅卿偉人也端肅在位久所建樹為多介  
肅起家及罷差久於公而嘗在要地惟公處阨居約幾二

十年起不滿歲而去塞上軍功久遠無能明者至乃鞠躬履方始終一節折而不撓三公者皆右首大夫鮑司隸之深也世之稱齊魯諸儒質明因不虛矣

除潞府官屬刑部主事楊同善戶部主事劉以平為左右長史國子博士李繼美學正李琛為左右審理中書舍人弋履亨程啟元為左右紀善

癸丑改勅蘓松水利副使許應逵兼督蘓松常鎮糧儲從侍郎王世貞之議

甲寅大理寺少卿宋仕為右僉都御史巡撫保定提督紫荊

等關

庚申巡撫廣西右副都御史劉繼文巡按御史張愈賢言制夷四事嗣官男以移土習立村長以約峒丁正典刑以德逆目立社學以教童童從之繼文計勦東蘭州土官李威龍章下兵部

甘肅海一瓦刺他不囊擁衆自南川入殺副總兵李魁及中軍何承印等

辛酉武定侯郭文誠為後軍都督府僉書

左副都御史詹仰庇言臣子對君貴明白質直不尚藻飾貴

簡切謹嚴不尚繁富近來兢為新奇隱僻務名博瞻至數千  
言事盡意窮而不休聖主萬幾何暇竟覽上大是之命定  
奏格

壬戌貴州道御史何出光劾太監張鯨及其黨序班邢尚智  
錦衣衛左都督劉守有相倚為奸上宥鯨免守有餘付法  
司尚智論死李登雲張繼德等戍邊

甲子增河南撫臣初書兼理河道與督臣協同行事

蠲河南商永等二十五州縣七糧

丙寅前太子太保兵部尚書王崇古卒崇古字學甫蒲州人

嘉靖辛丑進士授刑部主事歷官俱有能名以右都御史總  
督宣大適俺荅孫那吉來歸受之因款俺荅執議定策弭兵  
四十年崇古力也其才局開偉不拘小節年七十四予祭葬  
贈太傅謚襄毅

隹茲曰前是議者嗟惜謂大羊性叵測無能堅決同事諸  
臣或可或否或可否羊甚者稱引嘉靖馬市寒盟事搖動  
衆心公劃然決計不惜櫻天下之口主上亦感其血誠  
格群議而從公可謂臣主相遭千載一時矣自辛未迄於  
今邊鄙不聳所為完室家若首領所省軍興又幾何由此



言之公之功可勝道哉

戊辰命收闈者二千人禮部尚書朱賡科道苗朝陽荊州俊  
俱言之不聽

己巳前禮部尚書兼翰林院學士汪鏜卒鏜字  
鄞人嘉

靖丁未進士選庶吉士授編脩歷祭酒禮部右侍郎萬曆甲

戌丁丑兩知貢舉改吏部左侍郎教習庶吉士署詹事府實

錄成進尚書致仕學識淵泓篤重持重得大臣之體予祭塋

甲戌折蘓松杭嘉湖漕米三分之一

乙亥河南道御史馬象乾以張鯨不去責闕臣票擬依違

上怒下象乾鎮撫司申時行等申救封還御批不報時行引

疾

十 仁巳外朔吏科給事中李沂劾東廠太監張鯨不法獨未伏

罪非法之平 上怒下沂鎮撫司又刑科唐克欽亦言之

上不問時深言張鯨進賄而司禮太監張誠故黨馮保惡鯨

沂跡引馮保張居正故 上怒之

諭申時行出直宥馬象乾責張鯨私宅閑住

辛巳免薊州昌平永平安租

郭坤相嗣成安伯

癸未杖李沂六十削籍

甲申增設開封府同知一駐荊隆口增祥符縣丞榮澤主簿各一專筦河務

丙戌翰林院庶吉士王德完為兵科給事中

丁亥蠲折湖廣五十二州縣屯糧

庚寅時工怒李沂連日稱疾不朝申時行等奏問起居許

國自引罪乞罷不許

以潞王之國徵珠寶至二十餘萬金戶部尚書宋纁給事中張應登等爭之僅減三分之一

辛卯命順天尹禱雨

石碇宣撫司馬干斛攻馬廷蘭秦選等各寨敗之

甲午申時行等言前大學士王家屏服除請召入報可

丙午起王家屏禮部尚書兼東閣大學士直文淵閣

壬寅右軍都督府僉書張臣為總兵官鎮守山西

癸卯罷開營家營支河

己丑萬曆十七年

正月朔日食免朝賀

甲寅大盜劉汝國黃梅人結黨於太湖宿松隣黃州山中於  
楓香驛倡亂初數十人旬日間至數百張旆恣焚劫燔前驛  
官兵不能制撫按不報兵科右給事中李廷模稍列其狀章  
下兵部奪兵備巡捕各官俸

工部言畿民鋪商之苦 上是之凡薪炭各務平價毋多索  
乙卯 上享太廟

丁巳安慶衛指揮陳起擊劉汝國於陳漢山敗沒又蘄州兵  
戰長溪山殺傷略相當

戊午脩奉先殿成

雲南猛密宣撫司土同知思化發兵爭蠻莫巡撫蕭彥言蠻  
莫乃罕送舊土欲扶三罕送仍歸蠻莫以安夷心兵部議騰  
衝以三宣為護衛三宣與蠻莫接壤三宣安內地得寧蠻莫  
靖外藩可固今思化乘思順奔竄之隙馮陵蠻莫勢將不支  
不得不興問罪之師如三宣搖動後益難制尤不得不靖震  
隣之難惟兵加於播告之後則出為有名議定於詢謀之同  
則釁可永杜 上從之

康陵永陵多盜革守備內監罪把總等官

己未逐私闖三十人

庚申戶科右給事中楊其休請 上視朝以風厲入覲諸臣  
報聞

吏科給事中張應登請立東宮以應青陽太常寺卿李尚思  
等南京禮科朱維藩等兵科杜廉各言之俱不報

夜有星隕甘肅西寧衛大如月天鼓鳴

辛酉 改祭台吉貢市先是祀宣府革其賞

前左都御史王廷卒廷字

南充人嘉靖壬辰進士授戶

部主事改御史劾吏部汪鏡謫亳州判官歷右副都御史治  
河晉戶部侍郎治漕撫江北剿倭加俸三級拜南京禮部尚

書改左都御史廷素善徐階給事中張齊詆階以去廷發其  
使邊納賄下獄遣戍廷致仕後被削籍高拱敗復官年 十

予祭墓謚恭節

壬戌寧夏地震

癸亥山西新開口星隕萬全都司天鼓鳴

部院大計降斥如例

甲子夜月食

延綏東 乘小市之期犯鎮羗神木我預伏擒六人 執我  
永興操守魯槐邊臣久之始報

丁卯南京後軍都督府僉書  
都督府僉書

戊辰科道拾遺允之

己巳下貢士閩縣林春元於法司以游畱都好請託嘗陷刑部主事劉以煥落職南京刑科徐桓糾之也

庚午禮部主客司主事高桂言去年順天考官黃洪憲關節

第四名鄭國望稿止五篇李鴻文中因有字屠大壯大率不通

第一桂滿之惺任冢相李鼎張毓塘俱噴有繁言且殊卷遺匿辨驗無自而榜首王衡為輔臣錫爵子素號多才而人之

疑信相半乞同覆試庶大臣之心跡明矣有旨下部科查明不必覆試

辛未 上始朝

刑部尚書李世達請逮入覲官不職者 上宥之

王錫爵奏辨且乞休 上慰留之

甘肅巡按郭萬里幾殺於亂卒

截漕三十萬石賑江北

壬申禮部上略王之國儀注

寧陽侯陳應元署都督僉事劉光祚為南京 軍都督府僉

書

癸酉申時行等請覆試八人而後無議從之命錦衣官同高桂巡視

乙亥旌浙江賑饑義民董鉞等

丙子 總兵官劉滋為都督僉事神樞營左副將

密雲草場火

是月遼東

李如栢出塞斬一四十一級

二戊寅朔禮部覆試王衡等八人左都御史吳時來左副都御史詹仰庇等科道陳與郊姜璧等品定王衡等七人文理平

通詹大壯亦通並准會試高桂以輕率奪俸五月往例

文理亦通除名

己卯裁山東濟南叅將曹州武定守備

辛巳巡撫四川兵部右侍郎兼右僉都御史徐元泰致仕

壬午鄢陵王府奉國將軍朝雄毆父賜死

少傅大學士許國吏部左侍郎王弘誨至禮闈

前南京刑部尚書錢邦彥卒邦彥字 吳人嘉靖乙未進

士知高安拜吏部主事至考功郎中歷刑部左右侍郎考終

完名時年九十方存問未至

癸未錄廣東平徭獲功

甲申黃洪憲奏辨且乞休不允刑部主事饒伸論黃洪憲通  
關節私輔臣子第一勢高者無子則錄其壻利厚者非子則  
及其孫覆試之日尚多不能文吳時來不分可否輒曰通得  
朦請錫爵為相三年忠賢被斥佞僉躡躑吳時來附權義法  
不稱內臺均乞罷斥明日王錫爵求罷又明日申時行求罷  
許國方入閣諸司章奏送時行私第票擬仍封還上乃慰  
留時行錫爵怒伸遲臆下鎮撫司薄暮三跡並下皆出宸斷  
李鴻甲時行壻

五軍營

副將馬應元為署都督僉事仍本營副將

壬辰申明雲南銀場疆界部覆雲南巡撫蕭彥等以臨元金  
滄洱海三守道各有礦場宜照屬分管不必專屬臨元又麗  
江不得市劍川界內夷田民田又武定雲南二府軍務俱屬  
普安道即改為兵巡道又霽平守備聽臨安參將節制並從  
之

甲午河南道御史朱鴻謨為光祿寺少卿

乙未饒伸獄上削籍降高桂二級甘泉知縣

戒章奏未奉旨母抄報

劉汝國平吳淞參將陳懋功等敗之斬獲二百五十餘人  
丙申海盜李茂犯萬陵

丁酉巡撫廣西右副都御史陶大順致仕

己亥前吏部左侍郎姚弘謨卒弘謨字秀水人嘉靖癸

丑進士選庶吉士由編修降六安州判官旋遷留曹歷籙臬  
入為南京太常少卿領祭酒陟禮吏二部侍郎致仕予祭塋  
贈禮部尚書

庚子寧夏標兵參將哮拜年六十以副總兵銜致仕許其子  
承恩襲都指揮使從巡撫梁問孟請也拜故降屢立戰功

得授寧夏衛世都指揮使

辛丑南京鴻臚寺卿王鑑致仕進太僕寺卿

壬寅南京太僕寺卿朱天球為南京大理寺卿太常寺卿李

尚思為右副都御史巡撫四川廣東左布政使蔡汝賢為右

副都御史巡撫廣西

癸卯遼東蓋州衛地震三日

甲辰太僕寺卿徐元春為太常寺卿

乙巳光祿寺少卿艾穆為南京鴻臚寺卿順天府丞郭東為

南京太僕寺卿



李茂犯樂會

南京雲南道御史方萬策江西道御史林可成各劾吏部右侍郎徐顯卿擢張位沈一貫等退李長春韓世能改南及結大賈媚大瑞淫賄不法旨下吏部顯卿疏辨  
丁未右通政盧維禎為太僕寺卿

三期申朔李茂犯樂會同復還文昌

己酉太常寺少卿邵仲祿為右通政  
辛亥改折廬鳳淮揚去年田租  
壬子復薊鎮夷小阿卜戶猛可真等市賞

戶科給事中李獻可請裁發章奏不報

戊午戶部以河南不稟稻潞王歲祿徵粳米四千石餘六千石每石折銀九錢從之

己未協理京營戎政兵部尚書傅希摯致仕進太子少保  
光祿寺丞王汝訓為尚醫司少卿  
脩南京倉廩

辛酉鉄嶺衛平項山等處旗瑞生火

翰林院脩撰楊起元為國子司業

壬戌策貢士湯賓尹等三百四十七人賜焦竑等進士及第

出身有差

癸亥雲南騰衝姚安二營兵大譁自岳罕之亂騰永始募兵設騰姚兩營劉綎將騰鄧子龍將姚而不相能兵相角綎奪祿被逮子龍以副總兵兼統之二營頗安半載後復隙暨用師隴川椎牛享士姚倍於騰姚兵又意凌之多不堪又歲豐利給銀仍給米亡何訛言起子龍罷於是騰兵欲散兵備姜忻撫定之子龍還姚營姚兵索餉洵子龍欲俟騰營散乃散衆遂大呼殺掠闖至永昌城門晝閉

乙丑蓋州衛風霾

丙寅潞王珣鏐之國上御皇極門降席臨陞目送之

戊辰福州府地震

己巳總督宣大太子太保兵部尚書兼左副都御史鄭洛協理京營戎政

犯義州財二三十騎掠井家溝而出次日復入太平堡把總朱永壽追之至賈家庄值二百餘殊死戰又四五百西北至永壽及指揮潘應高敗沒

吏部右侍郎徐顯卿罷

辛未逐京城小人游客以巡城御史陳汴言逮周訓張仰薇

等十人下法司論罪

壬申兵部右侍郎蕭大亨為右都御史兼官如故總督宣大山西軍務

癸酉許禮部右侍郎張位辭召

甲戌予定遠侯鄧世棟祭墓

乙亥巡撫山西右副都御史沈子木為兵部左侍郎

巡撫浙江右副都御史滕伯輪卒伯輪字甌寧人嘉靖

戊戌進士知番禹歷浙江提學副使尋轉叅政平羅勇功擢

南京右僉都御史提督操江加副都御史鎮浙贈兵部左侍

予祭墓雖三品未滿以海上功故得全典

丙子命順天尹禱雨

四月丑朔上享太廟

戊寅山西左布政使李采菲為右副都御史巡撫山西

已卯廣東海盜李茂陳德樂等先告撫復叛因捕之叅將陳

君仁楊友桂各利其貨縱去賊渡海破清瀾城又犯潮州陵

水

癸未叙雲南羅雄功初龍速等作亂討定之擒斬千計

甲申姚安叛卒入雲南道掠走楊林黔國公沐昌祚巡撫蕭

彥追斬八十四級捕六百八十人土同知祿華誥擊斬五人  
因詐降明日突出寧州武定臨安雲南尋甸兵夾攻之

瞿九思曰三辰不明擢士為相孽夷不恭拔卒為將信哉  
是言也鄉兵黔南所自有獨以莊兵土兵擢兵番兵聞  
今工即位以來威暢六詔幸而無所大用武鉄鎗等之戰  
臨安之戰緬甸之戰皆西南大事也金騰姚安昔用爾以  
破滅夷今不免用夷以破滅爾爾豈以為而將軍微獨忘  
我耶不然何其敢於叛也

乙酉妖僧李員朗伏誅員朗於廣東始興縣謀亂

庚寅右通政黃克念致仕

乙未沅陵王

薨亡子謚

邵仲祿徐一楨為左右通政

丙申以漳州人販海通倭定東西二洋各派舡四十四艘  
丁酉予故兵部左侍郎吳嘉會祭塋

四川總兵官李應祥冒餉劾免賄巡按御史傅霈千金  
戊戌免經筵

順義王捨力克工總督鄭洛書云送西僧喪乞假道甘肅仍  
市賞兵部酌議從之

己亥予故刑部左侍郎陳瓚祭墓贈都察院右都御史瓚字  
獻縣人 丁未進士

禮部尚書兼東閣大學士王家屏直閣  
庚子復故戶部尚書張守直官予祭墓  
壬寅大學士王錫爵請視朝建儲報聞  
南京兵部武選主事周弘禴上言乞採朝論凡章奏俱賜省  
發冊立大事尤宜獨斷不報

癸卯郭邦相嗣成安伯

甲辰封荆世子由樊周世子恭枵

乙巳晉府寧河王知菊歸政於晉王初王幼攝府事

丙午提督京城巡捕史綱為總兵官鎮守四川

五月未朔順義王捨力克自多羅土蠻以送西僧墓移帳而西

各部落從之取道甘肅

戊申太常寺卿徐元春致仕

脩南京武英殿大庖

己酉都督僉事任大同提督京城巡捕

庚戌薊鎮首幹多羅忽悔罪獻逆夷七人輸馬

辛亥尚寶司卿孟秋卒秋字我疆荏平人隆慶辛未進士知  
昌黎進大理評事己卯轉職方主事領山海關坐忤外補甲  
申薦起刑部主事歷員外郎丙戌尚寶丞進卿浹旬而卒篤  
學力行志於聖道年六十五所著二明一脉明儒經翼等書  
行世

丙寧衛天夜鳴地震越七日復震

右僉都御史傅孟春巡撫浙江巡撫延綏右副都御史梅友  
松為兵部左侍郎兼右僉都御史總督陝西三邊軍務

南京吏部尚書楊成為南京兵部尚書

六月丑南京刑部尚書陸先祖改南京吏部尚書提督南贛汀

韶軍務右僉都御史秦耀為右副都御史巡撫湖廣

刑部左侍郎何源論罷

雲南副總兵鄧子龍免

己卯南京兵部右侍郎王世貞為南京刑部尚書

庚辰偉嬭耿氏薨

孫允恭嗣應城伯

大理寺右少卿王敬民為右僉都御史巡撫南贛汀韶南京

大理寺卿朱天球為南京刑部右侍郎  
辛巳予故總督浙直軍務少保兼太子太保兵部尚書胡宗  
憲祭葬

石峽水泉僅天鼓鳴聲如雷是夕滄州靜海吳橋諸鎮驟風  
漕舩互擊溺二十三人失米三千一百五十七石

壬午吳定韓國禎為大理寺左右少卿

癸未應天府尹張禎為南京大理寺卿

梁雲草場火郎中孫瑀奪俸二月

孫鑰李戴為刑部左右侍郎戴巡撫山東南京提督操江右

副都御史王用汲為南京兵部右侍郎

甲申浙江颶風大發沿海潮溢壞廬舍田產上笑

南京吏部右侍郎趙志臯上言臣近歲以少詹事侍朝講恭

覩天顏和暉稍有不豫一養旋復何自冬相沿至今也得非

衽席之愛不能割麩藜之好不能免予有一於此足耗元氣

皇上行之有節而不沉溺則元氣自充矣然人心必有所

寄宋儒真德秀曰惟學可以養斯心惟親近君子可以維持

此心願 皇上日臨講幄講究義理如常朝召公卿商確庶

政則聖心日清宸躬強固矣報聞

上久不朝南北諸臣多罪張鯨吏部尚書楊巍等太常寺卿  
趙世卿等俱請御朝俱報聞

丙戌予故南京工部尚書曹亨祭塋亨新蔡人嘉靖己未進  
士

丁亥刑科給事中劉為楫言四事聖躬保護宜慎內使閱防  
宜嚴諸司章奏宜覈法令督責宜信上責其瀆擾

河南道御史董子行乞示朝講之期以慰中外不報

戊子薊鎮旱給糧三萬石

戶科都給事中王繼先等請以山東山西河南真順廣大見

銀及存餘事例等銀糴穀備賑從之令各處實奏

己丑套阿計犯神木永興等堡

命下鄧子龍臺訊姜忻左遷

庚寅太子賓客吏部左侍郎兼翰林院侍講學士署詹事府  
事王弘誨為南京禮部尚書禮部左侍郎兼翰林院侍講學  
士于慎行改吏部署詹事府

癸巳選翰林院庶吉士王肯堂劉曰寧顧際明莊天合董其  
昌蔣孟育區大相黃輝馮有經傅新德周如砥朱國楨喬胤  
唐倣紀林克俞孫羽侯徐彥登包見捷羅棟吳鴻切馮從吾



郭士吉

乙未刑科給事中許弘綱工責成撫按四事曰不與庶民爭  
便不與有司爭能不與司道爭教不與天下爭功部覆從之  
己亥貴州左布政使朱孟震為順天府尹

辛丑南京

道御史李自謙請視朝以聯上下之交不報

癸卯先是南京御史王藩臣參應天巡撫周繼踪發而南京  
右都御史耿定向未見也怒其易已因自劾不職求免并申  
誘濫綱刑科給事中許弘綱禮科給事中王孟煦各踪頗右  
藩臣不報

總督倉場戶部左侍郎胡執禮卒執禮字

永昌人嘉靖

己未進士授保寧府推官歷文選郎中至今官贈戶部尚書  
予祭葬

乙巳田一雋李長春為禮部左右侍郎戶部左侍郎溫純為  
右都御史兼戶部左侍郎總督倉場

浙直大旱太湖兩淮涸斗米三錢道瑾相枕撫按奏郵工  
閔之發太僕寺金二十萬南京戶部金二十萬賑饑令戶科  
右給事中楊文舉往以二十萬賑南畿十萬賑浙文舉出申  
時行之門應天巡撫周繼郊迎餽席三百金幣四十他郡倣

效迨復命舉刺以賂為高下

七丙午朔前太子少保南京吏部尚書袁洪愈卒洪愈字抑之  
吳人嘉靖丁未進士授中書舍人擢禮科給事人糾嚴氏黨  
檢討梁紹儒文選郎中白璧及尚書萬鏜得直聲出為福建  
按察僉事歷湖廣右叅政入南京太僕少卿太僕光祿太常  
卿致仕久之起故官進戶部右侍郎右都御史禮部尚書俱  
南京垂老終始清立跡糲不飽子治中一鵬早沒都御史周  
孔教釀金襄事年七十四予祭塋贈太子太保謚安節  
已酉宣府地震越數日復震

癸亥陳于陛服除補太常寺卿

刑部觀政進士薛敷教上言吳時來申飭臺規專右耿定向  
必欲立仗希鳴劍一警百得無僚友重而視陛下輕耶申  
時行等言御史回道聽察堂屬區分令如敷教指俾臣等專  
抑大臣非也左副都御史詹仰庇請罪其狂躁放歸省愆三  
年就教授

甲子吏部左侍郎署詹事府事于慎行為禮部尚書

乙丑前吏部左侍郎沈一貫禮部左侍郎田雋一教習庶吉  
士

湖廣道御史林道楠言白糧輸納之苦白米一石不過加耗五升耳今至四斗五升米百石不過鋪墊脚價等銀七八金耳今至二十餘金乞諭司禮監令各監局內官盡革前弊有旨從之

丁卯前刑部左侍郎何源平源字

廣昌人嘉靖己未進

士知嘉興進工部都水主事治呂梁改職方裁內監不得典京營太和山不得行分守事歷考功郎中甲戌佐計累陞南京吏部右侍郎改刑部致仕年十予祭葬贈右都御史謚靖惠

戊辰閣臣請講通鑑纂要報可

己巳陝西西寧衛地震

庚午吏部左侍郎趙煥疾去

新除南京刑部主事蔡獻臣請開聖聽慎寢興省藥餌遠聲色薄滋味明視朝之期親近者碩屏去內誘而後建儲不報壬申山西道御史鍾化民以聖誕將臨臣工畢集請及時朝講不報

甲戌吏科都給事中陳與郊因薛敷教謂建言諸臣擊鼎司排憲職侵言路以獵名譽上是其言

禮部員外郎董基為光祿寺丞

叙蕪州斬獲海賊功

是月臨漳野蚕作蠶食桑盡

丙子朔申時行請御朝講報聞

刑部左侍郎孫鑑為吏部左侍郎

戶部言舊制金花銀百萬金坐派蘇松江浙福建廣東湖廣  
等處每季分進二十五萬至萬曆六年每季加銀五萬為買  
辦費則歲增二十萬原無坐派今十二矣乞念邊餉為亟錫  
予為緩暫進五萬不允

庚寅翰林院編脩劉應秋為國子司業

甲午右春坊右庶子兼翰林院侍讀成訥為左庶子司經局

洗馬兼翰林院脩撰劉楚先為右庶子兼官如故

設福建大洋巡簡司

丁酉晴刻臨邑縣晴蜓蔽空東西亘數里俄大雨俱盡

辛丑大學士許國六年考滿進兼太子太師吏部尚書詹中

書舍人

上視朝

南京浙江道御史王麟趾以耿定向吳時來參及王藩臣言

北臺疎入即聞故次日投揭縱人知之亦易為力南臺道遠  
一被人知或受媒孽如御史孫鳴治論守備徐邦瑞賈緣得  
免御史陳揚善劾主事劉以煥託留不獲竟挾仇反噬皆往  
事可鑒故邇來告堂延及一月非自藩臣始也許國詹仰庇  
彈章相繼閣臣憲臣不能植善鋤惡反黨同伐異國故碌、  
仰庇則負時名亦若此他尚何望哉其投堂臺規應否在三  
日內明白申飭以便遵守

南京廣西道御史黃仁榮亦疎刺耿定向吳時來

壬寅許國乞免上慰留之

禁蜚語時南都有逐客鳴冤錄多指斥朝臣南京給事中杜  
廉徐桓以聞故有是命

九月己朔給朝鮮國王李祘會典

戊申黔國公沐昌祚以監司執禮屢見輕乞罷不允命議撫

鎮司道相接禮

己酉興化知府范梅不跪巡按欲移之撫臣於是撫按周臬  
馬象乾交劾降梅

旌漢陽王長子載塵夫人周氏貞烈

庚戌吏部覆定南道揭堂論事以三日叅劾以五日著為令

奔御史王麟趾俸半年黃仁榮三月  
辛亥夜火星順行犯南斗杓第二星

壬子尚書司少卿王汝訓為光祿寺少卿

癸丑旌周府輔國中尉勤美宗學生鎮國中尉睦乘學行

乙卯肅王縉嬭薨子紳克幼命輔國將軍縉禔攝府事

建州衛都指揮使

為都督僉事鈐束五十三部如

南北閱勢益強

前南京兵部尚書張時徹卒

丙辰司經局洗馬兼翰林院脩撰王祖嫡翰林院侍讀陸可

教王武得趙紳等百人

戊午總督倉場右都御史溫純憂去南京右都御史耿定向

為戶部尚書總督倉場

袁州萬載縣迎霜降忽天鳴隕石演武場側

吏科給事中史孟麟劾少詹事黃洪憲典試北場改正硃卷

行其私失去墨卷滅其跡左都御史吳時來覆試徇之獨嚴

南臺送揭籍言官之口乞並罷報聞

己未南京廣西道御史黃仁榮論南京刑部尚書王世貞前

陞大理卿劾回不得通理前俸考滿并叅吏部朋欺吏部尚

書楊巍謂世貞被劾在籍養疴歷薦起用異於被劾改調今  
工部尚書曾同亨戶部左侍郎孫丕揚皆然非始世貞也命  
世貞仍供職

東、騰毛太結西、白洪大入遼東平、僅總兵李成梁禦  
之備禦李有年手刃敵、被驍騎圍殺之把總馬文昇赴救  
陣沒轉戰良久、稍卻遂班師斬三十四級我亡失百二十  
餘人明日吳大績等追、於鎮邊堡斬五十五級、遂犯潘  
陽蒲河多殺掠又分數千騎入榆林堡凡七日出塞督撫按  
之報稍異其後給事中李瑄謂長昂入犯李成梁損兵八百

人邊吏不以聞

庚申黃洪憲吳時來各奏辨乞休不允

初萬曆乙酉長河西等司入貢國師以疾去茶符未給諸番  
日爭茶至刻木為信乃已至是貢使請補前符且溢額禮部  
謂今貢應給外仍補前之半俟後貢更補其半報可

壬戌予安鄉伯張紘祭葬

甲子前南京禮部尚書姜寶立義田十頃贍族請下有司入  
籍許之

命錄因戶部尚書宋纁主獻

丁卯予故南京戶部右侍郎程嗣功祭墓

初湖廣辰沅草坪苗與天星苗積釁撫按以百戶黃鐘音往解反兵喝之被殺尋獻首禍者巡按御史甘士价奏上甲戌賜先賢曾子祭田以六十二代孫五經博士承業請之也

十 丙子河南按察使郭四維為右僉都御史巡撫宣府戶部左侍郎孫正揚為南京右都御史

安南都統使莫茂洽以補貢應貢請於兩廣總督許之戊寅塞達裴應章為戶部左右侍郎

壬午巡撫貴州右僉都御史許子良改撫治鄖陽

前宣府總兵官李如松調山西山西總兵官李迎恩調宣府癸未太常寺少卿司汝霖復張姓改名汝灑

前巡撫寧夏右僉都御史張九一起巡撫貴州

丙戌宮嬪王氏卒贈僖妃

已丑翰林院侍講學士曾朝楫為左春坊左諭德兼翰林院侍讀

壬辰登州天鼓鳴

予故南贛汀韶右僉都御史張煥祭墓



甲午諭藥未效不朝  
衍聖公孔尚賢自被劾後三歲一朝至是請仍歲率三氏子  
孫入賀萬壽許之

乙未杜其驕張汝濟為左右通政

丙申巡按陝西御史崔景榮言威正等酋屯紅崖堡欲駐水  
塘湖卒歲虎落赤等欲於檀工川立寺而真相台吉亦欲駐  
檀工川乞下督撫移檄順義王定其界毋薄塞下事下兵部  
丁酉刑部右侍郎許守謙為兵部左侍郎  
戊戌吏部文選司員外郎趙南星言當今大害四曰干進之

害曰傾危之害

黃洪憲唐堯欽孫愈賢蔡系周等

曰守令之害曰御宦之害

章下吏部

李春開王遵訓徐學聚楊東明張貞觀丁應泰何燁林材沈  
之吟為給事中之吟南京周孔教李以唐徐圖樊玉衡張鶴  
鳴錢一本何選余懋中蔣春芳賈名儒黃卷王明張宗載張  
大謨萬國欽任應徵蔣夢得鹿久徵張光緒牛應元劉汝康  
楊鎬茅國縉邵以仁吳孔嘉陳鼎李時蔭熊元王有功林寅  
賓彭應參郭實周維翰劉惠王道顯劉思瑜張應揚李守誠  
李用中聶嘉祥為試監察御史應揚守試用中應祥南京

己亥南京戶部尚書王友賢致仕

庚子工部右侍郎攝通政司事張孟男為刑部右侍郎

協理京營戎政兵部尚書鄭洛辭兼左副都御史

癸卯尚寶司少卿何以尚為光祿寺少卿南京通政余懋

學為黃河決口塞河工成

吏科給事中李春開奏留吳時來詹仰庇得旨下吏部於是

戶科都給事中王繼光言越南星上四事辨論官邪課督職

掌而春開先摘南星原跡未上而奏閣先得旨何也吳時來

謀冢宰詹仰庇賄囑黃洪憲耐彈皆當亟斥而用禮部尚書

沈鯉侍郎張位趙用賢不報

禮科右給事中吳之佳請速發章奏不報

十一月己巳朔南京工部右侍郎張西銘為南京戶部尚書

戊申南京光祿寺卿徐元氣為南京通政司使

己酉予故刑部右侍郎萬虞愷祭塋

庚戌夏朝鮮貢使貢使言六月十二日舟泊全羅之南抵浦

有大琉球男婦四十六人失風者携以來命還福建俟便歸

其國

甲寅南京太常寺少卿謝杰為太常寺卿

乙卯徵潞紬五千匹工部尚書石星言非正額乞覆之命以  
次進工科都給事中張養蒙言之不聽

己未上不朝

左副都御史詹仰庇言邇來章奏失體不曰故相某而曰江  
陵分冑不曰總兵某而曰大帥大將軍不曰某某而曰某氏  
之跡又詞多奇僻千言不已一日萬幾何暇竟覽宜加飭參  
治得旨下禮部覆上有六建白母尚高論題覆母狗物情諫  
諍母好名高舉刺母工組織陳謝母叙勤勞奏報母蹈欺罔  
從之

十 丁亥巡撫雲南右僉都御史蕭彥為右副都御史撫治鄖

陽陝西左布政使党馨為右僉都御史巡撫寧夏

丙子故少保兵部尚書于謙改謚忠肅浙江巡撫傅孟春請

之也

丁丑光祿寺少卿何以尚為南京大理寺右寺丞

戊寅茂州地震

翰林院脩撰余繼登為右春坊右中允兼翰林院編脩

戶部左侍郎楊俊民為尚書總督倉場戶部左侍郎蹇達改

兵部大理寺左少卿吳定為右僉都御史巡撫雲南

壬午任養心孫旬為大理寺左右少卿

癸未吏科給事中李春開言吏部文選員外郎趙南星戶部  
郎中姜士昌二跡舉刺可疑乞禁議區別章下吏部吏部尚  
書楊巍請優容士昌戒各官侵越

甲申吏科給事中史孟麟糾李春開附吳時來詹仰庇阻塞  
言路刑部山東司主事吳正志奏劾李春開及都給事中陳  
與郊謂王篆用事時與郊與邢侗方範顧爾行等投其門篆  
敗倖免今掌吏垣招權納賂嗾春開上怒責正志回奏  
貶宜君典史與郊又疑正志授指於史孟麟同官互訐於是

臺諫群攻正志惟御史萬國欽周孔教力持以為不可正志  
回奏請典史刑科給事中丁應泰言大小諸臣宜協恭和衷  
借宋事為喻

工科給事中林材論尚書鄭洛貴州巡撫張九一遂罷九一  
戊子望夜先是曆官推月食其時全明不驗

刑部左侍郎張孟男改戶部南京吏部右侍郎趙志臯為吏  
部左侍郎

己巳吏部尚書楊巍屢請去上切責諸臣忿爭求勝有失  
和衷之誼不允所請

庚寅夜月犯軒轅星

辛卯夜金火二星相合

壬辰命順天尹祈雪

甲午大理寺左評事維于仁謂 上有酒色財氣之失上四

箴酒箴曰耽彼麪榮昕夕不輟心志內惰威儀外闕神高踈

秋夏治興隆晉武銜杯糟丘成風進藥 陛下醲醑勿崇色

箴曰豔彼妖冶治食息在側啟寵納侮爭妍誤國戒湯不邇享

有遐壽漢成暱姬歷年不久進藥 陛下內嬖勿厚財箴曰

競彼鏐鐻錙銖不剩公帑稱贏私家塵甑武散鹿臺八百歸

心隋煬剝利天命難謹進藥 陛下貨賄勿侵戒氣箴曰逞

彼忿怒恣睢任情法尚操切政盪公平虞舜溫恭和以致祥

秦皇暴戾群慙孔彰進藥 陛下舊怨勿藏

乙未大學士王家屏言維于仁四箴雖妄以備養生未必非

也因自乞罷併于仁跡留中

前南京禮部右侍郎羅萬化改南京吏部右侍郎山東左布

政使葉夢熊為右僉都御史巡撫貴州

丙申四川南渠二縣饑賑之

許故伊庶人典樸妻方氏子安樂王褒節三喪歸葬典樸卒

高墻方氏道卒褒熈奉鈴束卒於周邸萬安王褒焯言其兩世再喪可閔

戊戌光祿寺少卿王汝訓言吏科都給事中陳與郊請政通  
魏力詆辛自脩陰排沈鯉喉李春開橫擊趙南星王繼光史  
孟麟吳正志今日薦巡撫明日薦兩司每跡出人皆疑其謝  
重賂而樹私交勢傾中外吳正志纔發其奸投荒徼之外矣  
章下吏部初澤州張養蒙以資望當吏科都給事中而陳與  
郊以王錫爵甲戌分考所首錄也遂得之養蒙補工科都給  
事中又出為河南叅政憾錫爵及申時行矣養蒙負物望西

北人推重角幟遂十餘年

陳繼儒曰曩者江陵之以橫敗也諸相國於是更其猛而  
為寬攻江陵而以諫顯也諸君子又於是更其諱而為諍  
言者彌熾輒指之曰是出位也是欲趨捷徑而適者也是  
不知大體也是為某氏攻某氏也而力主矯偏救枉之說  
以與言者敵此諸相國之近習也上之人按之彌窘輒指  
之曰是塞言路也是欲痛懲正人也是以一網掩也是亦  
為某氏去某也而力主請劔止輦之說以與上之人敵此  
諸君子之近習也夫小臣方喜於建言而大臣且厭於言

洗毛而索之瘕因噎而廢之食然而馮狐鼠者因衆而批  
龍頷者亦不乏也首鼠者十一而鳴鳳者亦十九也欲強  
奪諫官以名奪之而名愈起欲與諫官以非利不踰年而  
尋緝六曹之綬坐九列之輿矣利與名厚欲也即賢者非  
必出於利名然掀髯攘臂以示快召徒呼黨以示戰勝客  
氣故在也上之人思撤其所甚欲而銷其心氣之不平則  
可容而不可激可導而不可塞可以湔洗而不可以微青  
銅以非時遣嗚呼言至於此愈難矣銅之譴之其他日之  
非銅譴也明甚而言至湔洗之量移之則群而攻大臣之  
弱而言亦至自己酉以至於今相持者五載大小紛拏彼  
我犄角燥濕敵而水火爭此其勢必至於乞援中涓借交  
群小夫中涓既以陰操顛倒威福之權而群臣復佐以朝  
暮燕秦之舌一旦勢成禍見釀而為唐之甘露宋之熙寧  
俛首駢肩而就東漢之黨獄諸君雖以空言搏擊傾黨訕  
訶終何益於朝廷哉

庚寅萬曆十八年

正朔辰朔立春

上不御殿召輔臣於毓德宮西室申時行許

國王錫爵王家屏俱至諭曰朕疾錮矣出維于仁跡手授時  
行怒甚時行未及闕上曰彼指朕酒指朕嬖貴妃鄭氏其  
事云何諸臣懇宥留跡不下可也上曰鄭氏侍朕勤勞如  
恭妃王氏以元子不及侍朕疾朕用張鯨以賂此昨年李沂  
事也朕果贖貨何不籍之時行等再四求宥語久之上意  
稍解時行等因請早建儲上曰長幼定序以元子弱稍俟  
之曰皇長子今九歲蒙養豫教宜出閣就學語久之出宮門  
不數十武命召皇長子已召至見閣臣於宮門閣臣喜躍  
上聞而善之有頃趣張鯨至命輔臣責數之鯨北跪時行責

之略上微哂焉俄皇三子亦至立元子下上手携元

子輔臣頌元子岐嶷稱賀上遜謝輔臣請進學上曰內

侍已授之書時行以為晚上指皇三子雖五歲尚不離乳

媪也輔臣稍前視元子上手引之正立輔臣乞早冊立定

大計上首肯乃退張鯨出張宏之門任東廠兼內府供用

庫印司房刑尚智招權納賄致拂衆議自戒諭後寵頓衰

談遷曰時朝講希御輒以疾為辭然上未嘗一日忘天

下獨無疚於心乎元旦鯨德宮之召蓋有激於四箴懼然

不自安也其手携元子默示定序不煩黃瓜之詞而吳縣



華值有天幸開導不力勉諭張鯨外廷傳以為災難得易失者時也有君如此納約自贖未敢為時相望矣

戊申前總督倉場戶部左侍郎毛綱卒綱字  
荊人嘉靖

癸丑進士授  
歷右僉都御史撫遼聞喪遽去降浙

江叅議進右副都御史撫鄖歷兵部左右侍郎內計致仕性

伉直其再起頗驟遽損望而在鄖多惠政里居以孝友聞

己酉大理寺左評事維子仁求疾去命除名  
太常寺卿陳子陞為左副都御史

辛亥禮部請冊三不許且責曰爾等紛、煩擾意欲離間乎

諭朝臣曰朕總攬乾綱攷、不怠深居靜攝視朝稍稀章奏

間留從容斷決左右近臣不過承旨辦事朕皆獨斷縱有二

二循私壞治者朕自有處近來諸臣不務職業或輕信訛言

沽名賣直或妄生議論排擗端良或窺探觀望煽惑人心或

邀結阿附顯越公論言路原無阻塞動稱借口詔旨方行禁

章公然違犯甲是乙非章奏滿前使朕不得徧覽如此紛亂

是何朝綱爾等各有所司務洗心滌慮率職奉公以副朕任

人圖治之意如負朕命國有憲章欽哉  
光祿寺卿盧維禎為太常寺卿

壬子光祿寺少卿王汝訓又劾吏科都給事中陳與郊險詖  
濁亂與郊奏辨調汝訓南京

癸丑右通政張汝濟為光祿寺卿

甲寅命太監張誠閱視京營狗三年之例也

鎮守陝西總兵官署都督同知張臣以平羌將軍總兵官鎮  
守甘肅

丙辰禮部言父子至親出自天性長幼定序斷自聖心原無  
疑似之形可以離間乘此吉月冊立以便出閣豫教不報  
戊午潞王珣鏐求景王遺田許有司徵租輸之

庚申前後軍都督府僉書署都督僉事劉承嗣為總兵官鎮  
守陝西

屬夷長昂花歹部落入貢於會同館奪賞仇殺禮部尚書于  
慎行主事張我續急諭解之

壬戌吏科都給事中陳與郊為太常寺少卿提督四夷館  
申時行等以豫教已有明旨請 皇上自定期出閣不報  
辛未南京大理寺卿張櫟為工部右侍郎

二朔酉朔南京 道御史王麟趾鐫二級調外  
山東道御史王明劾陳與郊俸淺陞驟大拂輿望奪明俸三

月

甲戌應天府尹陳文燭為南京大理寺卿

丁丑太僕寺卿邵仲祿為應天府尹

辛巳山東道試御史萬國欽劾吏部尚書楊巍徇私陞陳與郊唐鶴徵等上不問

甲申閣臣進經筵講章以備省覽從之

乙酉南京

道御史彭而珩請申飭章奏之體命即遵行

之

丙戌陝西道試御史鹿久徵請申飭布按二司襲奸承弊如

淮詞訟私潤囊橐喜奔兢飭厨傳命下部議之

丁亥旌鄭王厚煥忠孝善行

陝西道御史李頤請餘干故儒胡居仁從祀孔廟禮部議允

戊子臨沅天鼓鳴

壬辰禮部請朝講不報

丙申山東道御史韓介言吏部四害三弊命部院申飭

丁酉順德府地震星隕有聲

鄒元標補吏部驗封司員外郎跡推年餘矣

戊戌南京工部尚書李輔卒予祭葬

王錫爵請冊立 皇上自有長幼之說臣等不必爭歲月之  
早晚惟豫教一事則 皇長子年九歲次子年五歲俱當出  
閣不報

己亥前日講官右春坊右諭德兼翰林院侍讀吳中行以御  
史蔡系周劾之奏辨不問

庚子吏部尚書楊巍致仕賜月廩歲役

申時行等請御朝講不報

三明辰大名黑風晝晦明日止兖州黑風揚沙壞城解民舍傷

十一人開封彰德衛輝歸德俱如之壓溺三百六十餘人或  
墓祭為風攝之墜於井塹

丙午廣西賊李茂陳德樂等平

孟養宣慰使 入貢牙象金銀碗絨錦等物按孟養以緬

甸故久不貢

南京刑部尚書王世貞致仕

戊申日月並行未刻月出巳地

乙卯車里宣慰司刀橛猛貢牙犀金緬布絨錦等物仍傳達  
喇欲納款蓋刀橛猛地近莽 我宥其罪令招莽以報巡

撫雲南蕭彥言車里臣附有年隔於莽酋以沅江那怒之招  
革面獻琛今莽酋悔禍慮其不宥而託之車里沅江然無莽  
大可據又不能逆其偽而遽絕之也且仍令車里沅江傳諭  
朝廷威德許以自新禮部請賞賚如例從之  
夜代州星隕聲如雨光如燭少頃天鳴

丙辰宋纁為吏部尚書

河東鹽池立靈祐祠時水減得鹽

庚申夜有大星深代州西北聲光散墜天鼓大鳴

辛酉遼東寨兒山堡火傷男婦九十餘人

蜀府德陽王府鎮國中尉承休為宗正

壬戌工部右侍郎魏時亮為南京刑部尚書

起韓世能禮部右侍郎兼翰林院侍讀學士

癸亥南京刑部右侍郎朱天球改工部

己巳總督漕運戶部右侍郎兼右僉都御史舒應龍為南京

工部尚書巡撫江西右副都御史莊國禎為南京刑部右侍

郎

四月申朔先是福建道御史錢一本知廬陵縣以巡按御史視  
大舟所徵攝俱籍記之及入臺許奏其贓私命逮之大舟亦

奏一本在縣汚跡並下法司左都御史吳時來以大舟聞喪  
票取三千金宜遣官江西按之報可大舟竟遣戍自大舟敗  
巡臺相戒票索訖立追票無跡矣

固原州天鼓鳴

癸酉禁檀擊登聞鼓

夜遶東鎮西堡旗端有火光

丙子大理寺左少卿任養心為右僉都御史巡撫江西大理

寺卿周采為兵部右侍郎兼右僉都御史總督漕運巡撫鳳

陽

虎落赤糾衆薄歸德所謀移揔工川立寺駐牧督撫梅友

松等以聞謂自俺荅遣子丙兔等牧荆刺川遂成巢穴若虎

首再據揔工川將累閔隴宜諭之回巢

戊子禳旱遣告郊壇

禮科都給事中胡汝寧等奏孟養來貢止撫按代奏夷情未

聞請今後土司進貢取彼番文進譯禮部貢夷申譯撫按代

奏舊例也今孟養從叛久一旦來庭宜今後孟養進貢如例

譯進但奏內不備原詞始末如欲上奏即以番文上報可

已丑設廣東東山叅將移東安縣西山叅將移西寧縣中路

守備移羅定州秋冬駐掘峒掘峒為羅定要地而二縣為兩山根本也

甲午設四川平武縣

乙未御史彭應參言三事用謹言

指王曰杜巧宦指南光祿麟趾

弟之唵新

曰重贖賞

王世貞被論改

補未二年取贖部覆議報聞

丙申宣府天鳴

丁酉輔臣請令錄囚釋李材劉天澤不報

巡撫應天右副都御史周繼為南京戶部右侍郎總督糧儲

庚子傳制封荆世子常瀆

建州等衛

入貢

五月初丑朔光祿寺丞詹沂為南京尚寶司卿整飭蘓松常鎮兵

備副使李冰為右僉都御史巡撫應天

癸卯王象屏言臣來浹歲嘗陳天下大計竟寢又臣上狀不

能導主德於緝熙保聖躬於元吉大本未定隱憂更多故自

劾乞休不報

甲辰王錫爵乞以災異免不允

乙巳夜遼東孤山堡等處旗艇忽火光滅時不燬

戊申上不豫

庚戌禱雨郊壇

左都御史吳時來致仕

御史陳汴請 上臨朝斥張鯨以杜隱憂章下所司

辛亥戶部覆延綏督撫 五事曰開墾荒田曰疏通空

運曰清屯額曰廣開納曰督逋賦下部行之

日講官禮部右侍郎李長春等請御經筵報聞

丙辰 上視朝以各處災傷勉出命速議蠲賑於是閣臣言

旱災甚廣自畿內河南山東江北夏麥俱枯秋禾未種小民

望恩甚於饑渴若不待奏報先布德音充足收拾人心 上

諭戶部朕念旱災着撫按勘分數蠲免其積穀處即旋賑又

諭兵部緝盜

丁巳刑部尚書李世達為左都御史

辛酉戶部奏大造天下黃冊

甲子勘西寧失事功罪兵備僉事萬世達降

南京吏部尚書陸光祖為刑部尚書吏部右侍郎孫鑰為南

京禮部尚書

丙寅廣西總兵官仍駐會城另選參將移賓州三里

己巳 上視朝



六 朔未朔兵部左侍郎袁貞吉改吏部左侍郎

甲戌謝雨郊壇

丙子甘肅臨洮地震壞城郭田舍傷人畜止笑

丁丑太僕寺少卿謝杰言 懿文太子諡則至親分則至尊

累朝以來歲祭<sup>九</sup>文稱御名乃僅以祠祭署領之亦甚褻已乞

勲臣行禮遂專命南京都督府僉書

存問前大學士郭朴時年八十

工部右侍郎朱天球左副都御史陳于陞為工部左右侍郎

戊寅左僉都御史邵陞為左副都御史

己卯蠲停真定順德保定大名夏稅

左都御史吳時來卒時來字 仙居人嘉靖癸丑進士授

鎮江推官拜禮科給事中劾嚴嵩請成隆慶初起吏科歷順

天府丞南京操江右僉都御史尋巡撫廣東被論去調雲南

按察副使閑住萬曆初補湖廣進左通政大理卿刑吏部侍

郎歷內臺始直節著晚雖多訾終侃、不媿為大臣贈

謚忠恪予祭葬

庚辰壽宮成監督工程穆來輔為右通政洪聲遠為大理寺

右少卿

辛巳巡撫河南右僉都御史周世選為左僉都御史回院  
甲申西虎落赤等四千餘騎入犯舊沘州古爾占堡深掠  
沘岷副總兵李聰芳追擊包家山陷伏死軍潰把總何天衢  
魏承勳千總賀守文中軍李如玉李國瑞俱沒

戶部奏去年因荒蠲免歲入三百三十九萬金有奇出數加  
百萬有奇賴老庫發一百一十三萬今歲入數不下四百餘  
萬春夏發外見庫僅四十餘萬老庫僅一百十七萬諸費何  
出猶少百餘萬命下集議工科都給事中邵庶等言今日利  
孔已盡無復可開而歲入彌縮歲出彌浮宜行嚴察如錦衣

之帶俸官役禮部鴻臚之譯字生通事序班光祿寺之厨役  
各監局之工匠在外佐貳首領之添設九邊年例與主客市  
賞之供億諸如此類或昔無今有昔設今增酌其急緩漸以  
裁汰是謂以節之道生之也又增脩城垣其役可止報聞

太常寺少卿吳自新為右副都御史巡撫河南

先是巡撫河南右都御史褚鈇禮科都給事中萬象春各  
議卹宗通變上命科臣往河南山陝禮臣往山東會宗室  
及撫按議之至是秦王誼惠議上禮部覆曰為今日計莫若  
計郡王之子則親王孫也長孫襲封長子為鎮國將軍矣至

第二世郡王之衆子則親王曾孫同於孫過矣請封鎮國將軍而食輔國將軍之祿孫封輔國將軍食奉國將軍之祿曾孫封奉國將軍食鎮國中尉之祿而中尉以下不復減焉第三世郡王之衆子則親王之玄孫也而同孫則益過矣請封鎮國將軍而食奉國將軍之祿孫封輔國將軍食鎮國中尉之祿曾孫封奉國將軍亦祿如之而中尉以下不復減焉以至四世五世郡王之衆子則親王無服之孫也自此以後皆鎮國將軍食鎮國中尉之祿曾孫之封輔國奉國者祿俱如之而中尉亦不復減焉總之遞減之法以四百石為上使其

一輩內爵有崇早祿無隆殺恐亦人情之所樂從也有旨令宗多祿少者議行之禮部又奏處宗藩事宜一議額祿一議

催徵一議餘祿一議開業

立宗學同民間子弟考試其無名糧花生傳生農商之業聽之一

議城禁

既開業聽出

一議刑責

凡無名糧者有一議

奏請一

議擅婚一議報告一議廢宗一議宗學一議儀賓一議王官

有才大者破格或知府運使藩臬等官同外官例轉上俱從之

神樞營左副將署都督僉事王治為南京右軍都督府僉書

丙戌光祿寺卿張汝濟為太常寺卿

河南廬氏縣多盜移嵩縣守備冬春駐藥州

丁亥順義王捨力克為西口大落赤所購以三千騎渡河至  
臨洮聲欲東寇保定撒刺西犯沅岷松茂諸邊遂屯莽刺控  
工二川

甲午督理荒政給事中楊文舉報竣

丙申右通政陳大科為光祿寺卿

陝西道御史馮應鳳等議經用諸則覈邊儲議內供革濫員  
通錢法章下所司

西口臨河至松潘輕騎可一日至也於是西川戒嚴巡撫李  
化龍奏松潘乃全蜀之門戶也臣按輿地由松潘而北則為

漳臘漳臘之巔北可望沅岷西北可望莽刺控工以松潘而  
視西口僅有此山以為之間耳其中險阻高峻盡屬土番歲  
時漢第以撫賞羈縻之因欲為地奈何不亟備乎上大是  
之

瞿九思曰史稱西夷冉駹白馬最大今猶然乎今猶然乎  
以臣而觀松潘事不在西羗而在羗與口合也武廟末  
騎闌入松寨太原王恭襄方在大司馬乃不麾之使去  
何哉延引至今使西口得以迎佛近在沅河黑水間馬牛  
氛埃旦暮而及也善乎何將軍之言曰番寨凋落則鞞矚

馮陵松茂侵尋則成都塵警臣每誦之則未嘗不爽然自  
失也

丁酉申時行等言先年俺荅款貢套吉能及松山西海諸  
部並聽約束二十餘年吉能父子死其孫卜失兔弱不能制  
而用事夷酋如切盡黃台吉又繼死致各酋渙散或轉堡受  
賞於延綏或借路生事於甘肅或東賞西掠或罰北逞彼其  
駐牧近邊驅之曰吾不內犯也搶掠番族問之曰吾不擾漢  
人也絕之則款貢為詞撫之則彼實要索此西鎮卜情之大  
略也一二小酋雖已猖獗而大酋全部尚在羈縻勢不得不

酌於戰撫之間

戊戌前太子少保吏部尚書嚴清卒清字

雲南後衛人

嘉清甲辰進士知

進部主事歷右僉都御史巡撫貴

州四川山西又貴州改南京大理卿吏刑部侍郎拜刑部尚  
書九載考績轉吏部致仕何起兵部不赴加太子少保服  
官四十年貞素如一日籍馮保家往來獨無其名典銓數月  
士論猶惜其用之不盡年十予祭葬贈

謚恭

簡

談遷曰滇南號為荒遠其人易沒於貨嚴象寧廻翔仕路

白首不緇非所謂篤信善道者耶先世為吾嘉興人嘗過  
其祖墓延佇久之羔羊素絲移吟今日不朽哉若而人矣  
七廟子朔日食孟秋享太廟例午刻以護日移巳刻

議添設沅河官兵其河西鄉兵舊隸行太僕寺及兩同知今  
聽各道總理復金城關巡簡司復監守同知並梅友松所請  
辛丑兵科都給事中張希臯請討火落赤及兩酋孽子真台

吉章下兵部

甲辰復陝西行都司屯田僉書

丙午太常寺少卿謝杰為右通政南京右都御史孫正揚疾去

戊申火落赤犯河州攻景古城總兵劉承嗣禦之會大雨兵  
敗失亡甚衆踰二旬始退西陲為震總督梅友松請以土

指揮魯光祖為游擊將軍提千人授西寧光祖弟光國襲指  
揮

己酉順天府丞李楨陳邊事極言款貢非策上謂款貢二  
十年未可遽廢命詳議之

辛亥先是浙江撫按請存問前禮部尚書董份御史萬國欽  
言份往媚嚴嵩居鄉淫縱巡按御史龐尚鵬論褫其冠帶彼  
罪人也於此典未協部覆寢之

甘肅巡撫右僉都御史李廷儀被劾調用  
甲寅陝西布政司右叅政余之楨為右僉都御史巡撫甘肅  
丁巳固原州雨雹大如雞子傷稼壞人畜  
庚申諭內閣以警責各邊督撫不任又引嘉靖間失事為  
據命處分申時行等寬解之

南京右副都御史提督操江石應岳為南京兵部右侍郎

乙丑上御門畢召輔臣於煖閣以陝西巡撫趙可懷跡示  
申時行若何對曰王渡河為落<sup>火</sup>赤所購欲掠生番恐我馳  
救而其情狡甚不可不備上欲譴督撫且曰部將有功則

身居之罪即他諉時行等曲解上因論智勇之將少昨御

史薦二人王化熙尹秉衡時行曰王化熙嘗提督巡捕亦中

才尹秉衡雖勇今老矣上曰趙充國非老將乎貴謀不貴

勇也又諭欲遣大臣飭邊時行等曰推一大臣經略之重其

事權上然之欲重失事之罪時行等乞寬文法上曰聞

山西五臺多曠盜守臣何不報時行曰聞嵩縣等盜巡撫逐

捕且散矣上曰是五臺以進香僧知之時行等請傳諭兵

部而退

談遷曰上念西陲故召諭輔臣而輔故旅進退於邊事

憤也王化熙尹秉衡俱未當推轂餘無其人子果夙夜  
在公宜立舉其人以對而茲無所應徒為梅友松等緩頰  
養交市德彼馮唐一賤即猶能暢其說以慰拊解曾是心  
齊股肱也者危而不持顛而不扶則焉用彼相為哉噫假  
江陵而在當不汝如是矣

諭兵部西鎮弛備須遣大臣經略其會推上及中飭西陲各  
邊撫鎮及五臺隱盜之故

姜璧王世揚為大理寺左右少卿

已已協理京營戎政兵部尚書鄭洛為右都御史經略陝西

四鎮及宣府大同山西邊務

是月猗氏縣大水有二龍關於烏停村遺郊尋失之

一月午朔河南道御史董子行奏西鎮多故起於莽刺擅工二  
川聽駐牧今無論戰守皆當驅遠之兵科給事中張貞觀  
言市賞必不可不罷戰守必不可不決啖漢物已二十年  
我一旦罷市賞則將搶掠搶掠之利多歸部落市賞之利  
多歸酋長市賞之利逸而倍搶掠之利勞而半非惟中國慮  
失之懼即亦慮失國中之懼誠利之也為今日計宜罷  
市賞加意戰守貪利必叩關請罪我因與之更始章下所



司

談遷曰火落赤一胡雛躋西海而順義王名奉漢如故雖  
駐牧二川往亦有之當時臺諫輒易言之欲罷市賞窮其  
罪誠目噓而廢之食也李聯芳劉承嗣再失西陲弛備久  
矣信如諸臺諫言驅市人而戰張空拳冒白刃可乎

西「指揮僉事莊禿賴及紅山市夷犯甘州之高臺黑城掠  
我六十九人莊禿賴時降時叛雖革市賞屢復之

瞿九思曰莊禿賴故我市「乞哀於延綏而稱兵於甘肅  
豈不粗詐哉顧革之未幾而復者踵至莊酋乎莊酋乎不

無易我漢法臣等觀其始徵靈於佛申盟於神行事所設  
施亦非輕率者捨番盜塞賢明愛卜夫兔為禍首假令如  
子婿孟格蟒素寧不有餘榮哉曩者制置使不甚督過而  
以獸畜之有以也夫

癸酉兵部乞勅宣大督撫暫停順義王市賞從之

命兵部武庫主事梁雲龍遼東兵備僉事萬世德從鄭洛行  
邊各選宣大甲士三百人

蠲山東民屯田租

南京戶部尚書張西銘致仕

乙亥脩京城

已卯以屬夷史二官兒等携男婦二千餘人出塞邊將失撫各降罰有差

庚辰閣臣請御經筵日講 上疾止之

安南都統使莫茂洽入貢

總督薊遼兵部尚書兼左副都御史張國彥協理京營戎政兵部左侍郎蹇達兼右副都御史總督薊遼

壬午贈李聯芳都督同知

已丑工部以外造歲解軍器多不堪議折其半從之

九朝丑工部請裁織造之半以舒民困從之

壬寅撫寧侯朱岡卒

山西道御史萬國欽劾申時行意專款，又受遼將王國勳等十萬金受兵部侍郎許守謙三千金本兵王一鶚總督梅友松巡撫李廷儀皆私人也 互相黨援欺誤君國命降一級

謫劍州判官

禮部請御朝講不報

癸卯戶部右侍郎裴應章為左侍郎南京刑部右侍郎莊國禎為戶部右侍郎左僉都御史周世選為左副都御史

山西右布政使黃按察副使邢玠為右僉都御史巡撫大同  
乙巳禮科給事中任讓論許國聾瞶不任輔弼命奪讓俸半  
年

劉承嗣梅友松趙可懷並失事奪俸

巡按直隸御史張鶴鳴奏順義王近革市賞總督蕭大亨若  
罔聞知仍互市易馬損威褻惠取侮外夷有旨「情當別逆  
順捨力克所部安靜保塞詎得梳絕隨下所司

丁未通政司使余懋學為南京刑部右侍郎巡撫浙江右僉  
都御史傅孟春回院

丁卯禮部請躬郊廟 上以疾辭

十月己朔命經略鄭洛兼陝西總督其總督官於經略事竣徐  
推

辛未東「土蠻族弟土蠻台豬自長勇堡山河臺深入鞏山  
驛分兵攻海州北關寧遠伯李成梁及副總兵李寧戰牛心  
山敗之「遁自是土蠻老而厭兵稍戢

壬申巡撫貴州右僉都御史葉夢熊改巡撫陝西  
協守大同副總兵尤繼先為總兵官鎮守陝西  
插兒輝「達破阿爾壩漸逼松潘巡撫李尚思以聞

癸酉詔定助邊陞賞例輸千金陞一級至三級止加銜至閑  
散五品工五千金以上優處

乙亥四川左布政使彭富為右副都御史巡撫貴州

丁丑許國再乞休因請保聖躬勤朝講定儲貳報聞

戊寅蠲臨沅被災軍民屯租

己卯許國力疾請建儲則愚臣去留皆安不報

甲申申時行等力疾申明邊計下廷議

兵部覆保定撫按言湯家莊等處深曠銀礦難尋即有一二  
亦鉛多銀少仍閉之

十月己亥朔巡撫陝西右僉都御史趙可懷報火落赤已離程  
工川迤南燬其寺兵部言各塞俱燒荒獨陝西不及今宜舉  
行審機圖之

庚子 上責內閣先生何傳各衙門瀆擾今勿復爾申時行  
等乞寬宥勿以臣等奉宣無狀遂介宸衷

癸卯起賈待問右副都御史巡撫甘肅

廣寧伯劉嗣德卒

甲辰套酋卜失兒乞受罰莊禿賴明受台吉亦叩關還所掠  
人畜兵部議仍市賞

乙巳吏部驗封主事鄒元標言四事枰頭之若虛糧之若由  
粟之若積荒之若部覆行之

已酉庶吉士吳之望服除為吏科給事中

予故太常寺少卿馬從謙祭墓

癸丑巡撫湖廣右副都御史秦燿免河南右布政使戴光啟  
致仕御史郭甯論燿阿附權貴光啟科場徇私也初燿檄取  
衡永一百金桂陽郴州道州三百金耒陽等縣各六十金以  
餽京宦仍繳原檄時有旨留用衡州同知沈鈇奏其贖貨所  
徵全楚萬五千金言官交論遂落職

經略鄭洛言火落赤據莽刺捏工二川皆從甘肅寄徑深入  
涿禍至此往「未款套」掠番曾此假道猶畏我兵不敢肆  
行今火落赤真相台吉糾諸部夷敢為犯順以二川為窟視  
沅河二川為番地是甘肅之邊防乃涿「所必經也今套」  
聲言西行必經甘肅年復一年夷漢雜處及今不圖後將大  
壞臣至蘭州令撫按偵北來諸酋當曉諭不許徑行塞內若  
執迷不悔督兵堵截又火落赤未創「五大部蟻屯海上必  
」黨漸移則孤雛自困相機而剿庶中機宜上然之  
已未先是鴻臚寺序班劉文潤輸邊添註詹事府錄事以貨

即調用

壬戌清江王府 國中尉經扣以毆按察使顧問廢為庶人  
并經淮銅之高墻

甲子順天府丞李禎為右僉都御史巡撫湖廣光祿寺少卿  
董裕為太僕寺少卿

丙寅前工部尚書何起鳴卒起鳴字  
內江人嘉靖己未  
進士

年十

贈太子太保予祭葬

十 肫己巳朔吏部驗封主事鄒元標再推文選員外郎不報吏  
部以職掌請有旨切責調南京刑部署員外郎事主事添註  
一時連罪者給事中楊文煥楊文舉降三級劉弘賓張應登

等御史何選皆罰俸文煥謫 典史

改夏鎮故工部尚書朱衡祠為勅建

乙亥兵部考察天下軍政

丙子復故翰林院學士解縉官謚 成化初縉子中書舍

人禎亮以恩例追贈縉朝議大夫贊治少尹仍廣西布政司

右叅議故鄒元標請復之

壬午望夜月食

禮部右侍郎黃鳳翔予告

詔清理南京織染局匠役

先是巡撫貴州右僉都御史葉夢熊論播州宣慰使楊應龍  
先惡不道東川道兵備副使朱運昌縱其惡巡按御史陳效  
亦劾應龍十二罪而四川巡撫右副都御史李尚思以防禦  
松潘請徵播州兵巡按御史李化龍亦請免勘此懲彼宥黔  
蜀殊首於是兵科都給事中張希臯給事中陳尚象乞遣科  
臣公勘或剿或賞毋執成心章下兵部

遣閱視官右通政穆來輔蒞鎮蕪閱保定昌平大理寺右少  
卿王世揚延綏光祿寺少卿曾乾亨大同尚寶司丞周弘禴  
寧夏兵科都給事中張棟固原吏科左給事中侯先春遼東  
工科右給事中鍾羽正宣府兵科給事中張貞觀山西工科  
給事中李汝華甘肅穆來輔等仍兼監察御史來輔河南道  
世揚弘禴陝西道乾亨山西道  
鎮守湖廣武靖伯趙光遠罷

丁亥南京禮部右侍郎趙用賢為禮部右侍郎兼翰林院侍  
讀學士

庚寅累朝訓錄錄竣共一千九百二十八卷

辛卯宣城伯衛國本華任

陝西天鼓鳴

壬辰存問南京刑部尚書陳其學時年八十

甲午國子祭酒劉元霖為禮部右侍郎兼翰林院侍讀學士

左春坊左庶子盛訥為國子祭酒

是年大饑



